



सानसेयारि बड'सा

सानसेयारि "बड'सा" खरीलाइयाव
स्माज्यादि जिज्जो लोब्बा थानाय रायथाय, खन्थाय,
सल', सल'बाथा आरु दावबायारि थावनि, पार्क
बाइदिनि स्मायाव लिन्नाय लिन्बिदां दैथाय डर/
सानसेयारि "बड'सा" खरीलाइया खेबखानानै
फोस्वागोव।

बड'सायाव लिन्ठरनायनि हुदा खालाम,
"बड'सा" खरी नोथो, जो बयबो आंगो खालाम।


सानसेयारि बड'सा मावखुलि

माइब नोगोर, जोहोलाव देमालु लामा

कक्राझार, विटिसि-783370

Website: www.bodanewspaper.com

BODOSA ★ A Bodo News Daily ★ Sunday ★ 21 January, 2024 Kokrajhar, BTC, Assam ★ Vol.-33, Issue No. 293 ★ R.N.I. Regd.No. 40994/91, Assam Govt. Regd.No.IPRD.40/2006/3, ★ Rs.8/-



बांसिने भिरिनो पाखाय स्केन खालाम

हमारा संकल्प
विकसित भारत

मदि सरकारनि गेरन्टि

लाइमोन जोलेनि मिजि-हास्थायनायखो थुलुंगाखां होदो

2014 माइथायनि रुजुथायाव एइमसनि अन्जिमाया 8 निफ्राय 23 सिम बांहोनाय जादो;
गं 7 गोदान आइआइटि, गं 8 गोदान आइआइएमएस आरु गं 350 गोदान मुलुगसोलोसालि गायसन्नाय जादो



दुलाराय बाथौ गौथुमनि 13 थि जथुम्मानि आर'ज गौमायाव मिरु नख'र मन्थि अमित शाह आरु गिबि मन्थि ड० हिमन्त विश्व शर्मा मोनहा बाहागो लादो

गुवाहाटी नोगोरमनि आहम गावयाव लुजाबाय थानाय बाथौ मन्दिरनि थाखाय 10 कौटि रां अन्सुंथाय गथायदो

दिसपुर, 20 जानुवारी: सनितपुर जिल्लानि सिडाव थानाय तेलामारनि मुख्लं मनिराम-रतन-लेरेला कछरि गोसोखां फोथाराव दुलाराय बाथौ गौथुमनि 13 थि थाम बोसोरारि जथुम्माखो लोब्बा लानानै खुंनय आर'ज मेल-गौमायाव मिरु नख'र मन्थि अमित शाहजो लोगोसे आसामनि गिबि मन्थि ड० हिमन्त विश्व शर्माआ बाहागो लाफेदो। हाबाफारियाव गिबि मन्थिआ बुंदोदि, 3 जिथाय सिगां गायसनजानाय दुलाराय बाथौ गौथुमयाव गुबुन गुबुन थासारिजो मोगा-मोगि जाबोनानै सिगांलाना जोनोम जानायनिफ्राय बर' समाजखौ सोदानाय, बर' हरिसु आरु रवआरि जौगाखानाय एबा आसामजो लोगोसे हादत-गुबुन हादतनि गुबुन गुबुन ओन्सोलयाव गोसारनानै थानाय बर' सुबुंफोरखौ खौसे खालामना लाखिनयनि थांखिजो थियै बिबानखौ फालिबोदो। मोनसे गाव गोनां



सोदोमसि आरु हरिसुजो लोब्बा गोनां बर' हरिनि धोरुमारि, हरिसुवारि, थुनलाइ आरु आसारखाथि बायदिये सोलिबोनाय नेमखाथि आरु सुबुं फोथायथिखौ सरैखाथिनाय आरु फोसावनाय-फोसावदिनायनि विथिखव दुलाराय

बाथौ गौथुमया मोनसे बाखनायजाथाव बिफाव लाबोनानयनि बाथौ मख'नानै गिबि मन्थिआ बुंदोदि, बर' आर'ज मेल-गौमायाव रोजा-रोजा राइजो-राजाफोरनि बाहागो लाफेनायाव बे हाबाफारिखो

जाफुसार होफेदो। बाथौ गौथुमनि बेबायदि थांखिआ बर' हरिनि जाखांबोनाय गोदान जोलेखौ हरिनि धोरुमारि, समाजयारि, हरिसुवारि आसारखाथिफोरजो मोजाडे सिनायथि होनायाव मोनसे जर'खा बिफाव लानो हागोन

होन्नानै बो गिबि मन्थिआ मिथिगाखौ आश्रय लानानै बाथौ धोरुमआ मोनसे जर'खा थाराजो मोन्दो होन्ना मख'नानै बिथाड बुंदोदि, बिफानि सिडव बोराय बाथौखौ परमब्रह्म जानजो फुजा होनायनि गेजेरजो

गोदो-गोदाय समनिफ्राय बर' हरिनि मिथिगा मोजो मोनायनि अयाय दिन्थिनयखौ नुनो मोनाय जायो। बिथाड बुंदोदि, बाथौ धोरुमारि सुबुंफोरा इसोर सिबिथायखौ मोगथाडारि महर होनायनि थाखाय रोजा-रोजा



मुगागडे थैनो रोडे बिफां महेर मिबिथिजानाय सिजो बिफांखो बाथौनि खाम्फायाव मान होनायजो बोराय बाथौखौ फुजा होबोदो। गिबि मन्थिआ लोगोसे बुंदोदि, बाथौआव थानाय सिजो बिफांखो गायसन्नायनि गुबुं जाहोनानो

जाबाय सिजो बिफांआ बाथौ धोरुमनि गेजेराव इसोरनि नैसोन। बेयाव इसोर थानायनि फुंखा मोन्नाय जायो। सिजोनि ओथिया परमात्मा होन्ना मख'नानै बिथाड बुंदोदि, बे बिफानि गेजेरजो (□ 1 बिलाइनिफ्राय)

बर' थुनलाइ आफादनि 63थि बोसोर सालिया जथुम्माया कामरुप जिल्लानि बक'आव सोलिगासिनो बड'सा खौरां बिलाइनि गायसनगिबि सुजुगिरि चिन' बसुमतारिनि मुडै प्रबन बरगयारि थुनलाइ बान्था

दिसपुर, 20 जानुवारी: सनितपुर जिल्लानि सिडाव थानाय तेलामारनि मुख्लं मनिराम-रतन-लेरेला कछरि गोसोखां फोथाराव दुलाराय बाथौ महासभानि 13 थि थाम बोसोरारि जथुम्माखो लोब्बा लानानै खुंनय आर'ज मेल-गौमायाव मिरु नख'र मन्थि अमित शाहजो लोगोसे आसामनि गिबि मन्थि ड० हिमन्त विश्व शर्माआ बाहागो लाफेदो। हाबाफारियाव गिबि मन्थिआ बुंदोदि, 3 जिथाय सिगां गायसनजानाय दुलाराय बाथौ महासभयाव गुबुन गुबुन थासारिजो मोगा-मोगि जाबोनानै सिगांलाना जोनोम जानायनिफ्राय बर' समाजखौ सोदानाय, बर' हरिसु आरु रवआरि



जौगाखानाय एबा आसामजो लोगोसे हादत-गुबुन हादतनि गुबुन गुबुन ओन्सोलयाव गोसारनानै थानाय बर' सुबुंफोरखौ खौसे खालामना

लाखिनयनि थांखिजो थियै बिबानखौ फालिबोदो। मोनसे गाव गोनां सोदोमसि आरु हरिसुजो लोब्बा गोनां बर' हरिनि धोरुमारि,

हारिसुवारि, थुनलाइ आरु आसारखाथि बायदिये सोलिबोनाय नेमखाथि आरु सुबुं फोथायथिखौ सरैखाथिनाय आरु फोसावनाय- (□ 1 बिलाइनिफ्राय)

मिरु नख'र मन्थि आरु गिबि मन्थिनि नुजाथि फैनायाव सा 2,551 आसाम पुलिस कामान्डआ पासिंआउट पेरैडयाव बाहागो लादो

कामान्ड बेटेलियननि जवानफोरा आसामजो नांजाबफा साखाथि हादतफोरनि सिमना ओन्सोल नैथि लाइनिनि रेखाथिगिरि महेर स्वामानि मावगोन: ड० हिमन्त विश्व शर्मा

दिसपुर, 20 जानुवारी: आसाम पुलिसखौ गासै रोखोमनि थासारिजो मोगा-मोगि जाहोना हानाय बायदियै आरु हादतनि गेजेरावो गुबुन मोनसे गोखो स्मार्ट पुलिस हाज्जासिम महर होनायनि बिथिखव गुबुन मोनसे गोखो थांखि महेर गोदाने दाजानाय आसाम पुलिसनि मोन 5 कामान्ड बेटेलियननि सा 2,551 कामान्डफोरा दिने सरसजाय स्ट्रेडियामआव खुंनय कन्भेकेसन गौमायाव बाहागो लादो। हाबाफारियाव मिरु नख'र मन्थि अमित शाहआ गाहाइ आलासि आरु गिबि मन्थि ड० हिमन्त विश्व शर्माआ माननि आलासि महेर बाहागो लायो। मख'नो गोनांदि, बे गोदाने दाजानाय मोन 5 कामान्ड बेटेलियनफोरा जाबाय



हाइलाकाण्डि जिल्लानि थानाय 3 नं. आसाम कामान्ड बीरसिमायाव थानाय 2 नं. आसाम कामान्ड बेटेलियन (अपारेसन), सिबसागड जिल्लानि गेलैकियाव थानाय 4 नं. काबि आंल जिल्लानि ददलियाव आसाम कामान्ड बेटेलियन

(अपारेसन), बिस्वनाथ जिल्लानि पाभैयाव थानाय 5 नं. आसाम कामान्ड बेटेलियन (आबान अपारेसन एन्ड ल' एन्ड अर्डर) आरु शडियानि आम्बिकापुराव थानाय 6 नं. आसाम कामान्ड बेटेलियन (आबान अपारेसन एन्ड ल' एन्ड अर्डर)। रड्ज्योनि पुलिस कामान्डफोरनि थाखाय आगुनि सोलोंथाय लानायनिफ्राय जानमाव फेनानै बे मोन 5 गोदान (□ 1 बिलाइनिफ्राय)

लाइमोनफोरा जोनि थांनानै थानायनि जाहोन: ड० अजित बर'

गहपुर, 20 जानुवारी: गहपुरनि चयदुवार कलेज एबसुनि रुफाथि मायथाइ फोरखो आरु गोजाम फरायसाफोरनि जथुम खुंनयजो लोब्बा लानानै 'इफेक्टिभ सफ्ट स्किल एमपावरि युट' बे आयदानि सायाव सावरय मेल खुंनय जादो। बे हाबाफारियाव फुंखा सुबुं महेर बाहागो लायो गसइगाव वि.एड. कलेजनि गोरयुं आरु साहित्य अकादेमी बान्था मोनगिरि ड० अजित बर'आ। बिथाड लाइमोनफोरनो थुलुंगा होनाय थांखिजो गावनि बिबुंथियाव बुडेदि, मोनफ्रेमबो थासारिखौ सोसिनानै उग्रिसार जानो थाखाय लाइमोनफेर थावनि गोसोआव सोलु सोनानै फिननाय मोनो हानायनि सोलो थानांगोन, गावनि गोसोजो रायज्ज्यानो रानांगोन, थासारिखौ नोजेर होनानै थासारिजो मोजो सोमोन्दो दानाने लानो रानांगोन, गोरुं सुबुंजो बखन जानानै थानो हानांगोन, बेबादि खालामोब्बा गोबां गियाय मोनानानै गोसो गुवार जागोन। बिथाड बुंजावोदि, दाक्ला गेसेरब्लानो सिखारोब्बा फरायनो बांसिन सम मोनगोन, दिनेनि हाबाफारिजो दिनेनो मावनांगोन, खहा जानाय समखौ सुपुंनो नाजानांगोन, उन्दुनाय, जानाय, फरायनाय, जिगयनायफोरनि थाखाय समखौ रानानै लानांगोन बेनो टाइम मेनेजेन्ट, दावरावनि गेजेरावबो गावनि हाबायाव गोसो होथाबानांगोन, थांखि जाफुडे समाव गोसोखौ हम्थानो हानांगोन, बेहेर बारियाव गाब्रयोब्बा हारसिडे सिखारो रानांगोन, जेना सुखानयनि गोदान गोदान सोलो



सानखानांगोन, गावनि मावनां हाबाखौ रावनिबो सायाव सोनारनानै थानाड। बेफोर सोलोखौ बाहायनानै लाइमोनफेर गोहो गोर जानो हाथारो होनानै बिथ'बर'आ बुडे। बिथाड बुंजावोदि, लाइमोनफोरखौ गोहो गोर खालामनो थाखायनो समाजा नाजाबाय थायो आरु जो थाना थनयनि जाहोना लाइमोनफोरनो। 'नाव अर नेभार' मोन्थोरजो हाबा मावनो बिथाड बयखौबो खावलायो। बे सावरय मेलखौ दैदेनमोन कलेजनि बारा' फरायसा ज्योति दैमारिया आरु आरु बेखेवदोमोन वि के डब्लुए ए सिनि लेखइ मासिगिरि स्विजन बसुमतारिया। (□ 1 बिलाइनिफ्राय)

ट्राइबेल संघनि वारग' दैदेनगिरि रन्जित कुमार बरगयारिआ रुंसारि जाबाय



कक्राझार, 20 जानुवारी: बर' हरिनि थाखाय दुखुनांथाव खौरदि, दुलाराय बर' फरायसा आफादनि गायसनगिबि सोद्रोमा आरु अल आसाम ट्राइबेल संघनि वारग' आफादगिरि रन्जित कुमार बरगयारिआ आरु बे संसाराव गैलिया। ओन्सोलाव बयजोबो मानिजाग्रा दैदेनगिरि समाजआरि मावथि रन्जित कुमार बरगयारिआ दिने 20 जानुवारी, 2024 ई माइथायनि फुंबिलि 9:15 रिगायाव गावनि कक्राझार तितागुरियाव थानाय आंगो न'आव जोबथा हां बोयो। रुंसारि जानाय समाव बिथानि बैसोआ 83 बोसोर

(□ 1 बिलाइनिफ्राय)

कक्राझार जिल्लानि सुखानझारायाव मुलाम्फागिरिफोरनो रेसन कार्ड रान्दो



कक्राझार, 20 जानुवारी: कक्राझार जिल्लानि बनरगाव ब्लक कमिटिनि सिडव थानाय सुखानझारा एस्के जेवारी गेजेर फरायसालिनि गेलेग्रा फोथाराव मोनसे गेट-टुगोदार एबा लोगो हम्लयानाय हाबाफारिजो लोगोसे रेसन कार्ड रान्दो हाबाफारि खुंनय जादो। बे हाबाफारिखौ जयै मागो दमासि (मागो बिहु) फालिनायजो लोब्बा लाखिनानै इडिपिएल दोलोनि सुखानझारा गुदि आफादआ सुखानझारा भिसिडिसिजो लोगो नानानै खुंनय (□ 1 बिलाइनिफ्राय)

सुजुगिरिनि खोलोम

थगायनायनि लामाया गुसुं

गुबुनखौं थगायनायनं, फोलानानं नंखाय फोरमानजों सोबख 'नाय आरो मालाइन बखाखौं सेनाय जानायनि सोलो आरो बोलो बाहायनाय जायोब्ला सानसे नड सानसे बेनि साजानि फिथायखौं मोनखागोना रोखा। बे फोरमानआ ट्राइबेलफोरनि थाखाय सरैखाथिनाय कक्राझार लकसभा बियाबखौं नंखाय फोरमान लाइजों बर'-अबर' बोखावनानं भट गेलेनाय देरहानाय सासे एमपिनि सायाव गोलेदों। थांनाय 10 बोसोर नाडें ट्राइबेल बर'फोरनो सरैखाथि बियाब महरें थिनानं दोनाय एबा बर' ट्राइबेलफोरनि बाइदिसिना दाबि-दावा, अजदफोरखौं दिल्लीनि पार्लियामेन्टआव बुंफोर हैनायनि मोनसेल' लामा एमपि दैथायहरनायनि राखाखौं फोजोबसांदोंमोन बर'-कसारि नडें सुबुं आथिखालसिम एमपि महरें बिबान सामलायबाय थानाय नब' शरनियाआ। बिथानि फोरमान लाइआ बर'-कसारि नड होनाय फोरमान जानाय खौरंआ दासान्दि दहमैनो गोसारनानं सावरायजानायखौंबो नुनो मोनाय जादों। गोलाव 10 बोसोर नाडें नंखाय फोरमान लाइजों ट्राइबेलफोरनि सरैखाथि बियाबखौं हाबुजों गादें लानाय राजखाथि गेलेनाय समाज आरो हारिखौं बोखावनाय, नांज्लाय-खमज्ज्या खालाम होनाय दखल खालामनाय शरनियायि जेनाय बे खौरंखौं ट्राइबेलफोरल' नड, रइज्योनि गुबुन गुबुन थाखोनि सुबुंफोरनि गेजेरावबो सावरायनायखौं नुनो मोनाय जादों। शरनियायि बे जेनायाव सोबखल 'नायनि राजखाथि गेलेनाय मुलाम्फा लुथिनो फाव फान्दायग्रा बर'-अबर'नि राजखाथि गेलेनाय फैन्यायफोर सहायनो गोब्राब मोनगोन। नाथाय अनागारि राजखाथिनि दौलेंआव गोलेनाय नासय जानाय ट्राइबेल सुबुंफोर बे इनाय आरो नंखाय राजखाथि गेलेनायनिफ्राय उदां जानायनि लामा मोनो हाबाय। बर'-कसारिनि फोरमान लाइफोर नंखाय होनाय फोरमान जाबाय जेबोला थगायनाय दायनि साजाखौंबो मोनांगोन। मानोना गोलाव सम एमपि बादि गोजों मान गोनां मासियाव नंखाय फोरमानजों जिरायनानं सरैखाथि बियाबनि ट्राइबेल बर' सुबुंफोरनिनो हेंथायै गसंबोनाया सासे एमपिनि गनायथावै हाबा। एमपि महरें मोनबोनाय खाबु-राहाफोर आरो उननि समाव मोनो गोनां मोजां-मोजां खालुफोरनिफ्राय गोजानाव लाखिनानैबो बिथानि दाय साजाखौं होनो हानांगोन। नंखाय फोरमान जानायनि उनाव सासे सुबुंआ मासियाव जिरायनानं थानायनि मोन्थाय खोमानायखौं जों गोबां समावनो नुनो आरो खोनानो मोन्नाय जायो। बिब्दि थासारियाव सौफैनायनि उनाव शरनियाआ बिबानाव जिरायनानं थाबाय थानाया बेसे गनायथाव आरो शरनियायि सायाव लानाय राहाया माबादि जागोन बेखौं उननि समावसो नुनो मोनसिगोन।

दिनैनि फान्जामुथि

राशि बाइदियै मुंनि गिबि हांखो
 मेष : अ ल वृष : ऊ ब (उ ए इ) मिथुन : क छ (ड घ)
 कर्कट : ड ह सिंह : म ट कन्या : प ठ (ण ष)
 तुला : त र बुश्चिक : ब न धनु : ध भ (ढ फ)
 मकर : ख ज कुम्भ : ग श (स) मीन : द च (ख ज झ)

- मेष:** मानिबा थाखाय गोखौं हेंथा मोनो हागौ। सान्नायफोर जाफुंनय नड। सांग्राडेथा।
- वृष:** नख 'रनि बयजोंबो सोमोन्दो लानाया बांगोन। गोजोनै सम बारहोनो हागोन।
- मिथुन:** मोजां सान्नाय-हनायफ्रा गोसोआव बेसखौंफेनो हागौ। सान्नायफोरखौं मावफुडेवा जाफुंनो हागौ।
- कर्कट:** सोलेंथाइ लानायाव मुलाम्फा मोनो हागोन। फरायगिरिनि थाखाय गाहाम सान।
- सिंह:** जेबो नांगोन थाखाय गोनांथि जानाय नड। मोजां सम।
- कन्या:** माबाफोर जेनायाव गोलेबायनो हागौ। जेरेंबो सांग्रां जानानै थानांगोन।
- तुला:** जेबो जेना गैयै शान्तिथै थानो हागोन। नख 'रआ जौगानाय फेगोन।
- बुश्चिक:** गियानआ अरायसम थाबाय थगोन। बयजोंबो बाख्नाय जानो मोनगोन।
- धनु:** जेखि जाया बेरामआव गोलेबायनो हागौ। देहाखौं सांग्राडे लाखिनांगोन।
- मकर:** गुलुं-गुजुं जेनाजों गोदोनाय थानानो हागौ। जेरेंबो गोजोनखौं मोन्नाय नड। गोसो हमथा।
- कुम्भ:** मानिबा थाखाय गोसोखौं गात्रि मोनखानो हागौ। गोसोखौं लोरबां लानो नाड।
- मीन:** जेखियानो जाया माबाफोर सुबिधा मोनो हागौ। नॅथानि थाखाय गाहाम सान।

रामललाखौ बेखेवनाय समाव पिएम मदिखौ पाचमुकी ताबिसआ रैखाथि होगोन

गोदान दिल्ली, 20 जानुवारी : गाहाइ मन्थि नरेन्द्र मदिआ दिने तामिलनाडुनि मख 'जाथाव मन्दिफोरव दावबायदों। पिएम मदिआ बेनि गेजेरजों दिने तिरुचिरापल्लीनि श्री रंगनाथ स्वामी मन्दिआव मोनसे हाबाफारिखौं जागायगोन। बेयाव बिधान कम्बा रामायणमनि बिजाब फरायगोन। मदिआ बे मन्दिआव श्री रामायण फरायण हाबाफारियाव बाहागो लागोन। अयध्याआव प्रभु श्री रामखौं बेखेवनाय साननैलसै आरो दासान्दि मदिआ 11 साननि थाखाय यम नियमखौं फालिगासिनो दड। बे नेमजों लोगोसे मन्दि मन्दि बिथानि भ्रामणआ सोलिगासिनो दड।



बेनि गेजेरजों दिने पिएम मदिआ खोला भारतनि माखासे मन्दिफोरव दावबायदों। राम मन्दिआव बेखेवनाय समाव गाहाइ मन्थि रैखाथि 5 थाखोयारि लेयासंआव जागोन। पिएम मदिनि रैखाथिनि थाखाय सिकिउरिदि सिभिल पुलिसजों लोगोसे आलादा आलादा एजेन्सिफोरनि गासै 30,000 निखुइ बांसिन जवानफोर सौहैखांबाय। गाहाइ

मन्थिनियाव बयनिखुइ सिगां एसपिजिनि बडिगाई थगोन। बे जवानआ अशाल्ट राइफल, अट'मेटिक गान, 17 एम रिभलरजों लोगोसे गुबुन गोदान मुगानि हाथियारफोरजों लेस जानानै थगोन। आलादा थाखोयाव एसपिजिनि कामान्ड थगोन। बेनि उनाव एनएससिनि गिखंथाव ब्लेक केट कामान्डआ रैखाथिनि बिबानखौं सामलायगोन। बेजों लोगोसे एटिएस आरो गुबुन कामान्डबो थगोन। ब्रैथि लेयासंआव पेरामिलिट्रिनि जवान थगोन आरो जोबथा लेयासंआव रैखाथिनि बिबानआ सिभिल पुलिसनि जवानफोरनि जागोन। हाबाफारि जानाय जायगानिफ्राय जवानफोर सौहैखांबाय। गाहाइ

राहुल गान्धीया बिजेपि आरो आरएसएसनि सायाव गाख्रों बाथ्रा बुंदों



गुवाहाटी, 20 जानुवारी : कंग्रेस एमपि राहुल गान्धीनि भारत जइ यात्राया आथिखालाव आसामाव सोलिगासिनो दड। बेनि गेजेरजों थांनाय शुक्रवारखालि राहुल गान्धीया आसामाव बिजेपि आरो आरएसएसनि सायाव गाख्रोंबाथ्रा बुंदों। बिथाड बुंनय बायदिब्ला बिजेपि आरो आरएसएसआ दिल्लीनिफ्राय दरफ्रोम राइज्योफोरनि सायाव खुंथाइ खुंनो लुबैयो। आसामाव गुवाहाटीनिफ्रायसो खुंथाइ खुंनंगौ। दिल्लीनिफ्राय नड होन्ना बिथां राहुल गान्धीया

बोसोरनि मे दाननिफ्राय लान्थियै हारियारि हिंसायारि जाथायजों मणिपुरनि गात्रि थासारिनि उनावबो गाहाइ मन्थि नरेन्द्र मदिनि गेजेरजों राइज्योआव दावबायहैयैखौं लानानै बिनि सायाव गाख्रोंबाथ्रा बुंदों। बिथाड दाबि दैखांदोंदि, भारतनि जारिमिनआव बै समाव दरसे राइज्योआव नख'र दावहा बायदि थासारि सोमजिदों। नाथाय गाहाइ मन्थिया बे खेबावबो राइज्यो दावबायाखै। बेजों बिजेपिनि राजखाथियायिया मोगथांआव नुजाथिगोन। राहुलआ लान्थियै नैथि सानावबो हिमन्त बिश्व शर्माखौं सौंखारिनानै बिथांखौं हादतनि गेजेराव बयनिखुइ थ'गायसुलासिन गिबि मन्थि होन्ना फोरमायो। राहुलआ आसामाव दावबायनायनि नैथि सानखौं माजुली आरो लक्षिमपुर जिल्लानिफ्राय जागयो। बिथाड गगामुकआव हर थानायनि उनाव शनिवारखालि अरुनाचल प्रदेशनि फारसे आवगायलाडे।

आसामआव कंग्रेसनि भारत जइ न्याय यात्रानि सायाव गाख्रोंबाथ्रा बुंदों



गुवाहाटी, 20 जानुवारी : थगायसुला गिबि मन्थि होन्नाय बुंदों। बिथाड बुंदों, आसामनि गिबि मन्थिया ओरैबायदि थगायसुला, जाय बिजेपिजों खुंजानाय गुबुन राइज्योफोरनि गिबि मन्थिफोरनोबो गेना-खाथि खालामनायखौं फोरनो हागौ। राहुलनि दैदेनायाव कंग्रेसनि यात्राया थांनाय 14 जानुवारीयाव मणिपुरनिफ्राय जागायदोंमोन आरो बेयो फेगौ 20-21 मार्चआव मुम्बाइयाव जोबहैगोन। गिबि भारत जइ यात्राखौं 2022-23 कन्या कुमारीनिफ्राय काश्मीरसिम खुंदोंमोन। गान्धी आरो बेनि हेफाजाबगिरिफोर साननि समाव दावबायनायखौं जागायनानै फुंनि समाव जरहाट जिल्लानि निमाटिघाटनिफ्राय मुलुगनि बयनिखुइ देरसिन दैमा द्विप माजुलीसिम ब्रटमपुत्रआव नाव गाख्रोंदोंमोन। राहुलआ आसामाव गावनि भारत जइ न्याय यात्रानि नैथि सानाव गिबि सुबुं गौमाखौं सोमोन्दो लाखिनानै दाबि दैखाडोदि, कंग्रेसआ गाहाइ थागिबि महरें बोखानायाव आदिबासिफोरनि बिबानारिफोरखौंबो गोनांथि हादतनि गेजेराव बयनिखुइ

राम मन्दिरनि सावगारि थानाय 500 रंनि गोदान नटआ फोसाव जागोन ना?

गोदान दिल्ली, 20 जानुवारी: राम मन्दिरनि जरखा प्राण प्रतिष्ठा हाबाफारिया 22 जानुवारिखालि जागोन। मन्दिरनि प्राण प्रतिष्ठानि सिगां 500 रंनि नटनि गोदान सावगारिया सशेल मिडियाआव भाइरेल जादों। 500 रंनि नटफोरनि बे सावगारियाव महात्मा गान्धीनि जायगायाव भगवान रामनि सावगारिखौं नुनो मोन्दों। बेनि सिगां आरबिआइआ 22 जानुवारिखालि राम मन्दिरनि प्राण प्रतिष्ठा हाबाफारिनि सिगां बे नटफोरखौं फोसावगोन होन्ना बाथ्रा फोसारदोंमोन। मख'नो गोनांदि, 500 रंनि गोदान नटनि खौरंखौं आथिखालाव नंखाय होन्ना बोखारना होदों। बेबायदि, नट फोसावनायनि खौरंनि गेजेराव जेबो रोखोमनि बिथा गैया। सशेल मिडियाआव भाइरेल जानाय 500 रंनि नंखाय नटआव लाल किल्लेनि जायगायाव अयध्यान राम



मन्दिर आरो धनुष-बाननि सावगारि दड। बे नटनि सावगारिखौं बयनिखुइ गिबिसिन 2024 नि 14 जानुवारिखालि रघुन मुर्ति मुनि सासे टुइटर इउजारनि फरसेनिफ्राय शेयार खालामनाय जादोंमोन। बेनि उनाव बे सावगारिखौं सुबुंफोर गोबां मोजां मोनो। राम मन्दिरनि सावगारि थानाय बे नटआ सशेल मिडियाआवबो गोखैयै भाइरेल जायो। बेनि उनाव इउजार रघुन मुर्तिआ गावनो नटखौं लानानै गोसारनाय नंखाय बाथ्रानि सायाव सुबुरुन होयो।

फारसेनि एडिट, बे रंआ क्रिएटिभिटीनि बिदिन्थि। बेखौं बँक नटनि महरें बाहायनायनि जेबो इसार गैया। अन्नायै गोदान नटखौं लानानै जेबो रोखोमनि नंखाय बाथ्रा गोसार होयैआ मोजां।

नेरसोन

समायना बुहुमनि महर मुप्ति, हाजो-हाला, बिफां-लाइफां, जिबिनि नेरसोन। आरो नुस हायै लैथो-लैथोमा, बिनो जादों मुलुगनि नेरसोन। सानश्रहायै जिउ-जिबि उजिदों, दानायनि बिदे आरो बेगं हारानि नेरसोन। लंथायखुलि आरो अन्थायनि मुगा, महरें दानाय जारिमिन माइथायनि नेरसोन। अजन्त (लंरा) हाजो खंखरनि, अन्थाय गोरोबथाव मुसुखा नेरसोन। सानश्रहायै सुबुनि बुहुमाव आगान गोखैदों सुबुं सोदोमन्थिनि रोंगौथिनि नेरसोन।

दावबायनाय दिडनि जिउनि दावहा, थालाडे बुहुमनि सायाव नेरसोन। राजखाथिनि आरो समाजखान्थिनि दोहोराम खान्थिनि नेरसोन। बोहैनाय सम बोहैनाय दावहायाव जायो? बुहुम बिखायाव उजिनय नेरसोन। बुहुमाव नुनाय जयै थानाय बुहुम बिखानि नेरसोन।

श्री नेरसोन बसुमतारी
 गायि: 12 नं मालिगाव भुमका
 ला:सो: बिसपुरि
 जिल्ला: कक्राझार बिटिसि(आसाम)

अध्याय जेनाखौ सोमजिहोनाया राजिभ गान्धीनि दाय नडा कंग्रेसनिसो : मणिशंकर

गोदान दिल्ली, 20 जनवारी: कंग्रेसनि गागि दैदेनगिरि मणिशंकर अय्यरआ थांनाय शुक्र बारखालि बुडोदि, अध्याय थांनाय 1986 याव जेना सोमजिहोनाय गेटनि थाला खुलिहोनायनि आगुनि गाहाइ मन्त्रि राजिभ गान्धीनि अनगायै कंग्रेस पार्टीआ दायनिगिरिमोन। बिथाडा बुंदों, बिजेपिआ अरुण नेहरूखौ प्लन्ट खालामदोमोन। अय्यरआ गावनि बिजाव 'द राजिभ आइ निउ एन्ड ह्वाइ हि भाज इन्डियाज मस्ट मिस अन्डारस्टुड प्राइम मिनिस्टर'खौ बेखेवनाय समाव बे बाथ्राखौ बुंदोंमोन। जुदि राजिभ गान्धीआ थांनाय दड'मोनबला आरो पिपि नरसिम्हा रावनि जायगायाव गाहाइ मन्त्रि जायोमोनबला जेनाया दिनैसिमबो जोबना



थानाय नडामोन। बै समाव राजिभ गान्धीआ मस्जिदजों लोगोसे मन्दिर बानाय होना बुंदोंमोन। बे समाव सुप्रिम कर्टआ मन्दिर बानाय आरो मस्जिदखौ बहाबा बानाय होना बुंदोंमोन। अय्यरआ 22 जनवारीखालि राम ललाखौ बेखेवनाय जथुम्मानि खावलायहरनायखौ आजावना लानाय कंग्रेस दैदेनगिरिनि थांखिखौ बाख्नायो। ताला खुलिनायनि आन्दोआव अरुण

नेहरुनि आखाय थानायखौ फोरमायनाय अय्यरआ बुडे, आगुनि गाहाइ मन्त्रि जवाहरलाल नेहरुआ लक्ष्मीनि गंसे फरायसालियाव फरायोमोन। बेनिखायनो रामनि जोनोम जायगानि आयदाआ बिनि मेलेमआव दड'मोन। बेनिखायनो बिथाडा सिरिये सासे बिर जोहोलाव बहादुर सिंखौ गिबि मन्त्रि महरें सिडाव गावनि गोहोखौ

बाहायो। सिंआ बयनिखुइ सिगां अध्याय थांनाय देवकी नन्दन अग्रवाल आरो गुबुनखौ लोगो हमहैयो। बिथाडा बिसोरनिफ्राय गांसे आरजलाइखौ मोनो हायो, जायनि बायदिव्ला तालाखौ बिजिरसालिनि बिथोननि अनगायै मावसुमानि बिथोनजोंसो लागायदोंमोन। बेनि उनाव 1986 नि 1 फेब्रुवारियाव जेब्ला केसआ फेजाबादनि जिल्ला आरो बिजिरसालिनि सिगाडाव फेयोब्ला, जिल्ला मेजिस्ट्रेट आरो गागि पुलिस बिबानगिरिया मिथि होयोदि, गोजोन आरो आयेन बेबस्थाखौ लाखिनो थाखाय तालाआ गोनांथि गैयामोन। बेनि उनाव तालाया खुलियो आरो गोबां अनजिमानि हिन्दु सिबियारिफोरा सिडाव सौहैयो।

हादरनि बयनिखुइ देरसिन कम्पनीआ सुथि होनो फोसावदों

गोदान दिल्ली, 20 जनवारी: हादरनि बयनिखुइ देरसिन कम्पनी रिलाइन्स इन्डस्ट्रीजनि फारसेनिफ्राय अध्याय 22 जनवारीखालि राम ललानि प्राण प्रतिष्ठानि जरखा सानआव सुथि फोसावदों। बे समाव हादरनाडे थांनाय रिलाइन्सनि मावख'फोर आबुडे बन्द थागोन। खोरं एजेन्सि एएनआइनि फारसेनिफ्राय बे खोरंखौ होनाय जादों। कम्पनीनि गेजेरजों शुक्र बारखालि डिसेम्बर 3 दाननि फिथायखौ फोसावदोंमोन। रिलाइन्सआ 3 दाननि फिथायाव 11 जौखोन्दो




बांनायजों लोगोसे 19,641 कौटि रनि मुलाम्फा जानायखौ थिसदों। थांनाय बोसोरव समान बिबाडाव 17,706 कौटि रं जादोंमोन। अक्टबर-डिसेम्बरनि 3 दाननि गेजेराव कम्पनीआ 2.48 कौटि रनि मुलाम्फाखौ

थिसदों। बे समाव कम्पनीनि इबिआइटीडिएआवबो 17 जौखोन्दो बांदों आरो बेयो 44,678 कौटि रं जादों। 22 जनवारीयाव राम ललानि प्राण प्रतिष्ठानि खाबुआव शेयार बाजारआवो बन्द थागोन। बेनि

जायगायाव शनिबारखालि फालांगि सेशनखौ लाखिनाय जादों। बे सानआव सरासनसा सानफोर बायदिनो बाजारआव फालांगि खालामगोन शेयार मार्केटजों लोगोसे आरबिआइनि फारसेनिफ्रायबो 22 जनवारीखालि सुथि फोसावनाय जादों। बे सानआव आरबिआइनि मावख'फोरा बन्द थागोन। फारसेथि महाराष्ट्र सरकारनि फारसेनिफ्राय पाब्लिक हलिडे फोसावदों। लोगोसेनो मिरु सरकारनि गांसे मावख'फोरबो राम ललानि प्राण प्रतिष्ठानि सानआव बन्द थागोन।

चन्द्रयान-3 नि लेन्डारआ अखाफोरनि खोला बाहागोनि खाथियाव लकेशन मार्कारनि खामानि मावगोन



बेंगलुरु, 20 जनवारी : चन्द्रयान-3 लेन्डारनि मोनसे जोन्थोरा अखाफोरनि खोला बाहागोनि खाथियाव लकेशन मार्कार महरें खामानि मावनो जागायबाय। भारतयारि अखामा सदानग्रा फसंथान (इसर') आ थांनाय शुक्रबारखालि बिबुंथियाव बुडोदि, चन्द्रयान-3 खौ

लेन्डारआव लागायनाय लेजाररेट रिफ्लेक्टर एरे (एलआरए) पिडुसियल पडन्ट (मार्कार) महरें खामानि मावगोसिनो दड; जाय अखाफोरव हाबाफारि मावगोन। चन्द्रयान-3 खौ बिक्रम लेन्डारआव लागायनाय नासानि एलआरएआ अखाफोरनि सायाव मार्कार महरें खामानि मावनायखौ

सोलिहोलांबाय थागोन। जायजों आथिखाल आरो इयुनि अखाफोर मिशनफोर मुलाम्फा जागोन। बेजों अखामा याननि थाखोयारि थासारिखौ नायबिजिरनायाव हेफाजाव मोन्यायनि अनगायै अखाफोरनि थासारिनि सोमोन्दैयैबो खोरं मोनो हागोन। आमेरिकानि अखामा एजेन्सि नासानि लुनाच रिकारिसेन्स आर्बिटर (एलआरअ) आ थांनाय 12 डिसेम्बरआव एलआरअनि गेजेरजों खोरंफोरखौ जाफूसारै मिबथिनानै लेजार रेसखौ सुयो। एलआरअआ बेनि थाखाय लुनार आर्बिटर लेजार आल्टीमिटर (एलअएलए) खौ बाहायो।

एलआरअआ चन्द्रयान-3 खौ पान्जाब फारसे आवगायहोगासिनो दडमोन। थांनाय 2023 अक्टबरआव अखाफोरनि खोला बाहागोनि खाथियाव सफ्टलेन्डारनि अनिफ्राय चन्द्रयान-3 नि बिक्रम लेन्डारआ एलअएलएयाव सौहैयो। अखाफोराव नायबिजिरनायखौ जागायनायनि अनिफ्राय अखाफोरव माखासे एलआरए थिसन्याय जाबाय। नाथाय चन्द्रयान-3 नि एलआरएआ बे समाव खोला बाहागोनि खाथियाव मोनो हानाय मोनसेल' एलआरअ होना मिबथिनो मोन्याय जादों।

सरकारा भारतयारि रावफोराव नायबिजिरगा मुवा-बेसादरखौ डिजिटेलजों होनो बिथोन फोसावदों



शिक्षा मंत्रालय
MINISTRY OF
EDUCATION

सत्यमेव जयते

गोदान दिल्ली, 20 जनवारी : मिरु सरकारा स्कुलफोर आरो गोजौ सोलौंथाइ फसंथानफोरनो फेगौ बोसोरथामनि गेजेराव भारतयारि रावफोराव गांसे फरा-फारिफोरनि थाखाय नायबिजिरगा मुवा-बेसादरखौ डिजिटेल महरें होनो बिथोन होदों। बे थांखिनि नोजोरा फरायसाफोरनो गावनि रावआव नायबिजिरनायनि खाबु होनाय। सोलौंथाइ बिफाना मोनसे

बिबुंथियाव बुडेदि, सरकारा गांसे स्कुलफोर आरो गोजौ सोलौंथाइ थाखो जेरै इजजिसि, एआइसिटिडि, एनसिडिआरटि, इकन', आइआइटी आरो एनआइटीखौ फेगौ 3 बोसोरव गांसे फरा-फारिफोरनि थाखाय भारतयारि रावफोराव नायबिजिरगा मुवा-बेसाद होनो बिथोन होयो। बिबुंथियाव बुंवावनाय बायदिव्ला इजजिसि, एआइसिटिडि आरो स्कुल

सोलौंथाइ बिफानखौबो राइज्योनि स्कुलफोर आरो मुलुग सोलौंसालिफोरनि सोमोन्दैयै आयदा दिखानो थाखाय बुंनाय जादों। बे बिथोनखौ मोनफ्रोम थाखोयाव सोलौंथाइयाव गोबां रावफोरखौ बांहोनो थाखाय माहारियारि सोलौंथाइ नेम-खाथि (एनईपि) नि आर'ज गाबनायनि गेजेरजों होनाय जादों। जाहाथे फरायसाफोरा गावनि रावआव नायबिजिरनो खाबु मोनो हायो। बिबुंथियाव बुंवावनाय जायोदि, गावनि रावआव नायबिजिरनायजों फरायसाफोरा जेबो हेंथा गैया जासे गोदानै सोलौंथायनि खाबु मोनो हायो। लोगोसे जायगानि रावफोराव मुवा-बेसाद मोन्यायजों फेगौ 2047

सिमआव भारतआ मोनसे जौसिन हादत दानायाव मदत मोनगोन। बिफाननि बायदिव्ला सरकारा थांनाय 2 बोसोरनिफ्रायनो बेनि फारसे खामानि मावगोसिनो दड। बेफोरखौ इन्जिनियार, मेडिकेल, आइन आरो कौसल बिजाबफोरनि सायाव बिथा खालामनाय एपनि गेजेरजों खालामगासिनो दड होना सुलुनिफ्राय मिबथिनो मोन्याय जादों।

गोखों रैखाथिनि गेजेरजों इडिआ सिएम शरेननि न'आव सौहैदों

रानची, 20 जनवारी : इडिनि बिबानगिरिया शनिबारखालि सिएम हिमन्त शरेननि न'आव सौहैदों। गोब्राबै हा गेना-

खाथिजों लोब्बा थांनाय मानि लन्डिं केसआव जेरा सेबनो थाखाय इडिनि टीमआ सिएमनि न'आव सौहैदों। बे समाव सिएमनि न'आव गोखों रैखाथि हान्जा थिसन्याय जादों। खुंथायाव थांनाय झारखान्ड मुक्ति मर्चा (जेएमएमइ) मावसुमा आफादगिरि हेमन्त शरेनआ बेनि सिगां इडिनि गेजेरजों मोन 7 समन दैथाइहरसेयावबो बिसोरनि सिगाडाव नुजाथियाखौमोन। बिथाडा नायबिजिरगा एजेन्सिनि गेजेरजों 8 थि खेब समन दैथाइहरनायनि उनाव जोबथारनायाव जेरा सेबनायनि थाखाय गनायथि होयो। सासे बिबानगिरिया बेनि खोरं होना फोरामायोदि, इडिनि बिबानगिरिफोर सानजौफुनि 1 रिगायाव सिएम हिमन्त शरेननि न'आव सौहैयो। बिबानगिरिफोरा बेयाव जेरा सेबगोन। बिथाडा फोरमायबावदोंदि, इडिनि बिबानगिरिफोरनि रैखाथिनि बिबान सामलायनाय सिआरपिएफआ शरेननि न'नि खाथि-खालायाव नोजोर लाखिनो थाखाय रेजल्युशन गोनं

बडि केमेरा बाहायगासिनो दड। सुलुडाव फोरमायनाय बायदिव्ला हिमन्त शरेननयाव जेरा सेबनायनि सिगां शनिबारखालि गिबि मन्त्रिनि न'आरो जुथाइ एजेन्सिनि आन्सलिक मावख'नि खाथि-खाला रैखाथिखौ बांहोनाय जादों। रानचिनि गागि पुलिस बिबानगिरि चन्दन कु मार सिन्हाया बेयाव 1 रोजानिखुइ बांसिन रैखाथि मावसुमाफोर थिसन्या होयो। बेयाव 3 थाखोयारि रैखाथिनि बेब'स्था खालामनाय जादों। बिथाडा फोरमायबावदों, रानचि खुंथाया जायथि-जाया हिंसायारि जाथाइनिफ्राय बारग'नो थाखाय नायबिजिरगा एजेन्सिनि मावख' आरो गिबि मन्त्रिनि न'नि खाथि खालायाव 3 थाखोयारि रैखाथि बेब'स्थाखौ रैखा खालामो। जेरा



सेबनाया जोबजासिमाव गिबि मन्त्रिनि न'नि खाथि-खालायाव थांलाय-फेलायखौ होवथानाय जागोन। मख'नो गोनादि, इडिया थांनाय 13 जनवारीखालि गांसे लाइजाम दैथाइहरनाय गिबि मन्त्रिखौ 16 जनवारीनिफ्राय 20 जनवारीनि गेजेराव गेना-खाथिजों लोब्बा गोनां केसआव जेरा सेबनो थाखाय नुजाथिनो बुंदोंमोन। बेनि फिन्नायाव शरेनआ बुंदोंमोनदि, 20 जनवारीयाव गावनि न'आव

बिनि बिबुंथिखौ दिखनो हागोन। सासे बिबानगिरिया फोरमायदों, झारखान्ड मुक्ति मर्चा आरो माखासे आदिबासि फसंथानफोरनि धर्नानि गेजेरजों एजेन्सिया गाहाइ सेक्रेटारि, पुलिसनि गाहाइ बिथोनगिरि आरो रानचिनि गागि पुलिस एस्पिनो लाइजाम लिखरनानै गिबि मन्त्रिनाव जेरा सेबनाय समाव रैखाथि आरो आइन बेब'स्थाखौ रोखा खालामनो थिन्दोंमोन।

कचिं फसंथानफोरनि थाखाय सोलौंथाइ मावख'या गोदान नेम-खाथि फोसावदों

गोदान दिल्ली, 20 जनवारी : हादतआव कचिं फसंथानफोरनि खेसार सानायखौ फोजोबनो आरो लान्थ्रयै फराइसाफोर सुइसाइड जानायनि केसफोरखौ होवथानो थाखाय सोलौंथाइ मावख'या गिदिर एक्सन लादों। मावख'या बावैसो समाव कचिं फसंथानफोरनि गोसोबायदि हाबाफारि मावनायफोरनि थाखाय गोदान गाइडलाइन्सखौ फोसावदों। मख'नो गोनादि, सरकारआ बे बिथोनमाफोरनि गेजेरजों कचिं फसंथानफोरखौ आइनारि नोजोराव लाबोनानै नेम-खाथि बानायनो हास्थायदों। फारसेथि नेम-खाथिफोरखौ सिफायनायाव साजाबो होनायनि नेम-खाथि बानायनाय जादों। सरकारनि बायदिव्ला बेजों

फरायसाफोरनिफ्राय बांसिन फिस लानायनि अजदफोर, फरायसाफोरनि गेजेराव जेना सोमजिनाय आरो सुइसाइडिनि केसआ बाडाइ जागोन। गोदान गाइडलाइन्सनि बायदिव्ला जायथिजाया सुबुआ कचिं फसंथानखौ जागायनो एबा मेनेजमेन्ट खालामनो थाखाय मिरु सरकारनियाव रेजिस्टर्ड खालामनांगोन। बेजों लोगोसेनो जाय कचिं सेन्टारफोरनिया मोनसेनिफ्राय बांसिन ब्रान्च थायो अक्ला गासैबो ब्रान्चआ आलादा आलादा सेन्टारनि महरें रेजिस्टर्ड खालामनांगोन। फारसेथि रेजिस्ट्रे शाननि लिगेलिटीखौ राइज्यो सरकार थि खालामगोन। सरकारनि बिथोनमाफोराव रेजिस्ट्रे शाननि लिगेलिटीखौ मख'नाय जागोन। गाइडलाइन्सनि



बायदिव्ला आथिखालाव जायथि जाया कचिं फसंथानआ 16 बोसोरनिफ्राय बाडाइसिन बैसोनि फरायसानि मुंखौ थिसनो मोन्याय नडा। आथिखालाव सेकेन्डरि स्कुलनि एक्सामिनेशननि उनावसो मुं थिसनो मोनगोन। कचिं फसंथानफोरा आथिखालाव मोजों रेंक आरो थ'गायनायनि खोथा होनो हानाय नंला। बेबायदि खालामनायाव गिबि खेब 25000 रं, उनाव 1 लाखनि साजा मोननांनयनिबो

नेम-खाथि दसे। बेनि उनाव सरकारआ फसंथाननि रेजिस्ट्रे शानखौबो बोखारनो होनो हागो। कचिं सेन्टारफोरा आथिखालाव साफ्रोमबो फोरोंगिरिफोरनियाव ग्रेजुएटनि डिग्री दड ना गैया बेखौबो रोखा खालामनांगोन। बेजों लोगोसे सेन्टारआ मोनसे वे ब स। इ ट खौ 1 बो बानायथारनांगोन, जेराव फरायसाफोरनिफ्राय लानाय फिस बायदिनि गांसे आपडेटआ थागोन।

No.CHD/HT/BTC(G) 808/2023-24/1 Dated Kokrajhar the 19th January, 2024

PRESS NOTICE

Sealed tender affixing non refundable court fee stamp of Rs. 8.25 (Rupees eight and twenty five paise) only eventually to be drawn in the APWD F-2 form, are invited by the undersigned from registered contractors Class-I and Class-II under PWD (B) having upto date renewal of registration and also having Departmental Registration of construction works 2023-24 for the works "Construction of Common Weaving Shed under Bodoland Handloom Mission for the year 2023-24" :-

Sl. No.	Name of place	Amount	Issue of tender	Submission of Tender	Opening of tender
1	Parow Megon Ishansali Handloom Cluster, Banargaon, Kokrajhar Dist.	Rs. 18.00 lakhs	Upto 1.00 PM on 29-01-2024	Upto 2.00 PM on 29-01-2024	3.00 PM on 29-01-2024
2	Ouwabari Delaishri Ishansali Handloom Cluster, Simbargaon, Kokrajhar Dist.				
3	Gaide Helena handloom Cluster, Kungrajhara, Chirang Dist.				
4	Jalagaon Nwlwbari Handloom Cluster under Jalagaon VCDC, Baksa Dist.				
5	Thulunshi Handloom Cluster, Hatipota, Chirang Dist.				

Detailed of NIT, particulars & terms and conditions may be obtained from the office of the undersigned on payment of Rs. 300/- (Rupees three hundred) only (non - refundable) in the form of Demand Draft / IPO (non-refundable) in favour of the Director of BTC, Handloom & Textiles, Kokrajhar payable at Kokrajhar.

Sd/- Shri Hemen Nath
i/c. Director of BTC,
Handloom & Textiles, Kokrajhar

IPR(BTC)-2023-24/1189

No.GDB-269/6th FC/2023-24/ Dated-Gossaigaon the 19th Jan./2024

NOTICE INVITING TENDER

Sealed Tender are invited in F-2 Form for the works shown below from the intending Registered Contractor of Class-I and Class-II (A, B & C) category of Assam PWD (Roads & Building) with affixing Non-refundable court fee of Rs.8.25 (Rupees Eight and paise twenty five) only in a prescribed form under 6th Finance Commission(Grand No. 66) fund for the year 2023-24. The Tender will be received on 08-02-2024 upto 1:00 PM in the office of the undersigned and will be opened on same day at 1:30 PM in the Office of the undersigned and C.S. will be submitted to the Director, P&RD, BTC, Kokrajhar for approval.

Sl. No.	Name of work	Estimated amount	Bid Security	Cost of BID documents (D/D) @ 0.03% (Approx.)	Time of Completion
1	Const. of road with earth filling and sand gravelling from Naroad Mushahary house at Dhauliguri village	Rs.2,00,000/-	Rs. 2,000/- @ 1% for ST/SC/OBC & Rs. 4,000/- @ 2% for General	Rs. 60/-	6 (six) Months from the date of issue of work order

The Terms and Condition details may be seen at Notice Board in the office of the Block Development Officer, Gossaigaon Development Block from 19/01/2024 to 08/02/2024 upto 1:00 PM.

Sd/-
Block Development Officer,
Gossaigaon Dev. Block, Gossaigaon

IPR(BTC)-2023-24/1197

नों बेखौ मिथिगौ नामा? खांखमाफोरा सप्ताहसेसिम खर' गैयाजासे थाना थानो हायो

गोदान दिल्ली, 20 जानुवारी: बिगियाना ओरैबायदि मोनसे आयदा जायनि गुमुरफोरा दिनैसिमबो अरायथा नख आरो बेनि ओंथिया जोबनाय नख। बे आयदानि सायाव जेसेबां बांसिन बिजिरसनाय जायो एसेबांनो जिंगासिनाया बांगोन। मानसिफोरग गावसोरनि गोसोखौ आनजाद नायनो आरो गोदान गुमुरफोरखौ मिथिनो थाखाय बे आयदाखौ सोलोडो आरो नायबिजिरो। नाथाय माब्लाबा माब्लाबा जो गुबुन-गुबुन सानसि आरो सान्नायाव थाबथायो आरो बे गोनों गोथो थासारिनफ्राय जौनि गोसोखौ दिहुनो थाखाय जो गुबुन रोखोमै साननांगौ जायो। बिगियाननि सोमोन्दे माखासे बाथाफोरखौ गाहायाव होनाय जाबाय, जाय सैथोथिआ गोबां सुबुंफोरखौ सोमोनांहोनो हागौ। 1. हावाइ (मोनसे रोखोमनि क्रेकार) आ बोसोरफोमबो अलास्कानि 7.5 सेन्टिमिटर खाथियाव जौगागासिनो दंड बेयो टेक'निक प्लेटफोरनि जाहोनाव जाय दिदोमै खारबाय थायो, जाय बिसोरनि गाहायाव बोहैनाय आरो गोगलैनाय दाहारफोरजों सालायजायो। हावाइआ पेसिफिक प्लेटनि मिरुआव थायो आरो बोसोरफोमबो बे सोलिबाय थानाय खारथायनि जाहोनाव, हावाइआ लासै-लासै सा आमेरिकानि फैंसालियाव अलास्कानि फारसे गिदिंबोफिनगासिनो दं। 2. खांखमाफोरा सप्ताहसेसिम थानानै थानो हागौ: खांखमाफोरा गावसोरनि गोब्राब



नाजानायनि थाखाय मुंदांखा। बिसोरनि गिदिनाय खाथिया गोवलां बिनिखाय बिसोररो गावसोरनि देहानि मोनफ्रोम बाहागोआव फिसा-फिसा गुदुनि गेजेरजों हां लायो, बिसोररो हां लानो थाखाय खुगा एबा खर'नि सायाव सोनारा। बेनिखायनो खांखमाफोरा सप्ताहसे एबा बेनि बांसिन समसिम थानानै थानो हागौ। खांखमाफोरा खुगा गैयाब्ला बियो दै लोंनो हाया आरो गांनायजों थैयो। 3. जेब्ला दैयाव संखि होफायो अब्ला दैनि थाखोआ गाहायाव थाडो: बिगियाननि बायदिब्ला, जेब्ला से गिलास दैयाव मुथिसे संखि होफानाय जायो अब्ला ग्लासाव दैनि बिबाड 2 जोखोन्दो बाडइ जायो। मानोना जेब्ला दैयाव संखि सरजाबनाय जायो, अब्ला फिशन आयननि खाथि खालानि जायगायाव दैनि गलायग्रा रेणुफोरा बांसिन मोजाडै सारि जायो। 4. माखासे धातुफोरा देजों मोगा मोगि जाब्ला बेरफुयो बेयो मोनसे सैथोदि जेब्ला माखासे धातुफोरा बारजों सोमोन्दोआव फैंयो, अब्ला बेफोर गोखैनो अक्सिडाइज जायो, मानोना बेफोर धातुफोरा जोबोद रिक्विटब जायो। बेफोर धातुफोरनि गेजेराव सडियाम,

पटेशियम, लिथियम, रुबिडियम आरो सीजियमआ गाहाय आरो जेब्ला बे धातुफोरखौ दैयाव दोन्नाय जायो अब्ला बेरफुयो। जों मिथिगौदि, बेफोर गासैबो क्षार धातुफोर आरो बिसोरनि बयनिखुइबो बायजोआरि कक्षलामायाव मोनसेल इलेक्ट्रन थायो, जायनि जाहोनाव बिसोररो गोरलैयैने बे इलेक्ट्रनखौ गारो आरो गुबुन धातुफोरजों सोमोन्दो बानायो। बेनिखायनो बे धातुफोरा मिथिगायाव उदाडे थाया। 5. नोंथाख मिथिगौ नामा दि डिएनएआवो अर होबथाग्रा: बिजिरसनाया दिस्थिदोदि, जेब्ला खुननि जि-जोमफोर खौ डीएनएजों खोबथेनाय जायो, अब्ला डीएनएआव मोन्नाय फोलेरारि गुदिमुवाफोरा जिनि अरखौ बाडय खालामो। बेनि जाहोना डीएनएआव थानाय फस्फेट, जाय गुदुं जाब्ला फस्फरिक एसिड जोनोम होयो, जाय दैनि जायगा लायो आरो अर होबथाग्रा महरै खामानि मावो। गुबैयै डीएनएआव थानाय नाइट्रजनआ अमोनिया दिहुनो जाय खामनायखौ होबथायो। 6. जों उन्दुनाय समाव मोदोमनायखौ हमनो हाया ब्राउन मुलुगसोलोंसालिनि बिजिरसंगिरफोरा 2004 मायथाइयाव 20 निफ्राय 25

बोसोर बैसोनि सा 3 सावसि गोनां हौवाफोर आरो सा 3 सावसि गोनां आइजोफोरनि सायाव मोनसे आनजाद खालामदोंमोन। बेखौ नुनो मोनदोंमोनदि, गोसा दावरावनि जाहोनाव गासैबो सुबुंफोरा सोमोनांनानै सिखारदोंमोन नाथाय मोदोमनाया बिसोरनि सायाव जेबो गोहोम खोख्लैयाखैमोन। जेराव बेयो फोरमान जायोदि, जों उन्दुनाय समाव मोदोमनायखौ मिथिया। 7. सारअथाइ गावनाय आरो गरज-गोजा जोमै: अखा हानाय समाव जोमैयाव थानाय दैनि फिसा फिसा गुनद्रासाफोरा बार बारनायनि जाहोनाव चार्ज जायो। माखासे जोमैफोरा मोनसे पजिटिभ चार्ज थायो आरो माखासेयाव नेगेटिभ चार्ज थायो। जेब्ला मोनसे पजिटिभ चार्ज जानाय जोमैया मोनसे गात्रि चार्ज जानाय जोमैनि खाथियाव सौहैयो, अब्ला बिसोरनि गेजेराव लाख-लाख भल्टनि मोनसे जाथावना फारागथि सोमजियो। बेबादि गोबां जाथावना फारागथिनि थाखाय बिसोरनि गेजेराव बारव मोनसे मोब्लिबार् दिहारा बोहैनो हयो। बेयो सोरानि मोनसे सारि सोमजिहोयो। जों बेखौ सारअथाइनि फ्लैश बुडे। मोब्लिबार् कारेन्टिनि थाखाय गोबां दुथाय सोमजियो। जायनि जाहोनाव बारआ आबुडै गोसारलाडे। हरखाबै फेहेरनायनि जाहोनाव बारनि अनजिमनि रेणुफोरा गावजों गाव सौग्रावलायो आरो बिसोरनि सौग्रावनायजों सोमजिनाय सोदोबा गोमखाडे।

बे खेबआव सुबुं खान्थि साननि पेरेडआ आइजोफोरनि सायाव मिरु खालामगोन

गोदान दिल्ली, 20 जानुवारी: बे बोसोरनि 26 जानुवारियाव जानो गोनां 75थि सुबुं खाथि साननि जथुम्माया आइजोफोरनि सायाव मिरु खालामगोन, जायनि गाहाइ आयदाआ भारतनि सुबुं खाथि आरो मोनसे जौगाखौ हादत दानायनि रहा। रैखाथि सेक्रे टारि गिरिधर अरमीनआ थानाय शुक्रबारखालि बुडेदि, गिबि खेबनि पेरेडखौ भारतयारि दे'खो रोजाबगिरिफोरजों लोगोसे सा 100 आइजो महरगिरिफोरनि गेजेरजों जागायगोन। बिथाड बुंदों, बे बोसोरनि सुबुं खाथि साननि पेरेडआव आइजोफोरनि बयनिखुइ साबसिन दिस्थिनायखौ नुनो मोनगोन। बे

पेरेडआव फ्रान्सनि सा 95 सोद्रोमायारि माचि टीम आरो सा 33 सोद्रोमायारि बेन्ड दोलोयाबो बाहागो लागोन। अरमानेआ बुंदों, अखांमा सांथिनि उरां जाहाजफोरजों लोगोसे मोनसे माल्टी रल टेंकार ट्रांसपर्ट (एमआईटी) उरां जाहाज आरो फ्रान्सनि उखांमा सांथिनि गंनै राफेल दावहार जेट 'प्लाइ-पास्ट' याव बाहागो लागोन। सुबुंखाथि साननि जथुम्मायाव फ्रान्सनि हादतगिरि एमानुएल मेक्रनआ गाहाइ आलासि जागोन। रैखाथि सेक्रे टारिआ बुंवावदों, 'जौगाखां भारत' 'भारत सुबुंखाथिनि मातुका' टीमजों लोगोसे 26 जानुवारिखालिनि 75थि सुबुं



तन्त्र साननि पेरेडआ आइजोफोरनि सायाव मिरु जागोन। आइजो माचि हान्जाफोर पेरेडनि गाहाइ बाहागो जागोन। जेराव राइज्योफोर अरो मिरुजों खुंजानाय राइज्योफोर (इडटि) आरो मिरु बिफानफोरनि बांसिन हान्जाफोरा हादतनि जौगाखां आरो खौसेथिखौ सावगारि बोगोन। आयदाफोरखौ सायख'नाया

गाहाइ मन्थि नरेन्द्र मदिनि गेजेरजों जागोन। बे बोसोरनि पेरेडखौ नायनो थाखाय गासै सा 13,000 जरखा आ। ल। स। फ। र। ख। ब। ख। व। ला। य। ह। र। दों। पेरेडआव इसरनि आइजो अखांमा बिगियान, आयुष्मान भारत, हरिमायारि खेला देरहागिरि आरो पेशलम्पिक मेडेल देरहागिरिफोरबो जरखा आलासि महरै बाहागो लागोन।

सा भारतआव गुसुआ आरोबाव बांनो हागौ



गोदान दिल्ली, 20 जानुवारी: सा भारतआव गोबां गुसु जानाया सोलिबाय थादों। हायेन ओन्सोलआव गुसु बारहावा बारनायजों सुबुंफोर भुगिनांदों। बेनि गेजेराव भारतीय बोथोर बिफानआ गुसुखौ लानानै एलार्ट फोसावदों। बोथोर बिफाननि बायदिब्ला, सा भारतआव फैंगौ

4 सानसिमाव रोजा खुवा खुनाय आरो गुसु जानायनि थासारिया सोलिबाय थागोननि सन्देह दड। सा भारतआव गुसु जानाया सोलिबाय थागोन। बेजों लोगोसेनो फैंगौ 2 सानआव साननि समाव खुवा खुनाया सोलिबाय थागोननि सन्देह दड। दिल्ली एनसिआरआव गुसुआ

सोलिबाय थादों। दिल्लीया बाडाइ भिजिबिलिटीनि जाहोनाव आइजिआइ एयापर्टआव माखासे प्लाइटफोरल लासैयै खारदों आरो माखासे प्लाइटफोरखौ दोन्थ'नो गोनां जादों। बेनि अनगायै रोजा खुनायनि जाहोनाव हादरनि गुबुन गुबुन जायगानिफ्राय दिल्लीयाव फैंनो गोनां गं 11 ट्रेनफोरबो लासैयै खारदों। बोथोर बिफानआ उत्तर प्रदेशनि माखासे जिल्लाफोरव गुसुखौ लानानै सांग्राथि होदों। फैंगौ 4-5 सानसिमाव गुसु जानाया सोलिबाय थागोन आरो बे समाव रोजा खुवा खुनायनिबो सन्देह' दड। फारसेथि बिहाराव

सोनाबारी बारहावानि जाहोनाव गुसुनि गोहोमा माखासे सानसिम थागोन। बोथोर बिफानआ हिमाचलनि माखासे जिल्लायाव रोजा खुवा खुगोनखौ लानानै येल एलार्ट फोसावदों। फारसेथि राइज्योनि माखासे जिल्लाफोरनि मिनिमाम बिदुड दावखलायदों। उत्तरखान्डआव गुसुआ आरोबाव बांदों। हायेन ओन्सोलाव रोजा खुवा खुनाया गोहोम खोख्लैदों। फैंगौ नै सानआव देहरदुनजों लोगोसे खाथि खालानि ओन्सोलफोरव गुसु थासारिया सोलिबाय थागोन। हायेन ओन्सोलफोरव खुवाखौ लानानै येल एलार्ट फोसावनाय जादों।

रंजालि गथ'फोरनि सौरा

गजल खन्थाइ

नों गोथौ सोदोबनि लैथोयाव थब्ल'नो हाना नों मानो थायो खन्थाइनि थिलिआव जसिना रेबदोंथाय रेबदों गोरबोसे होना रेबनि फैं गिरजाब गिरजाब जाना आखाइजों आखाइ हमलायलायना

लिरगिरि-रैदोम बर', माजदिया, बगुलामारि, बाक्सा

गजल खन्थाइ

आबादारिया आबाद मावनो हरदम बिलियाव मोजां मोनो खन्थागिरियाबो थिग बिदिनो सोदोबनि लैथोयाव गोजोमबाय थानो हाबिलास जायो जेराव सानसे सोदोबनि आगर एरनो मोनाबोला खामानि थालानाय बादि मोनो

लिरगिरि-रैदोम बर', माजदिया, बगुलामारि, बाक्सा

थुंग्रि बादि खन्थाइ

नोंनि गोरबोआव सुगिलनो गंसे गोजों गोफार थुंग्रि बादि खन्थाइ सोरजिनो नागिरो आं सोदोब, जाय थुंग्रिनि कुनिया नोंनि बिखायाव गानो रोडे'गाराय जानानै थायो, जाय थुंग्रिनि कुनिया नोंनि गोरबोआव थैसाम खानानै थायो, आरोबाव,, नागिरबावो आं एरैबादि खन्थाइनि सोदोब नों जेन' बे जिउ मोनसेआव आंनि थाखायल' थानानै थायो।

राजिब दैमारि सामथाइबारी, बाक्सा

गोरोबनै खन्थाइ

गायसे फुसे खालामखगोन जौमोन बिमा फैथार गाबोन

अग्रम रांबो हरखाथारगोन जौमोन बिमा नोंनो गाबोन

जौमोन बिमा फैथार गाबोन फैथाबोला बायगर मोनगोन

मालाय गायनाय फुनाय बोथोर दं बयहाबो नखर नखर

नों दा समाव सोरखौ मोननो खामानि दामानि मावनो

न'वावनो माव दसे दसे नानि बिफा बायालासे

फैंबाय थानो नाड खेस खेस दं नोंसा आदा हाबिलास

सानबोलाउरि बिलिर फैनाय नोंथांमोननो फोरमाय हरबाय

-रैदोम बर', माजदिया, बगुलामारि, बाक्सा

गजल खन्थाइ

संसाराव सोंखारिनाय, रायखोमानाय हरदम बिलियाव थाखा थारनाय नों बेखौ जिर जिरी जिंगा सिना जानो नाड बायलुं गोबां सानसिनाय नों देरहासार मानसिफोरनि जिउ बिथुनखौ बोदलाना नाय नुगोन नों बां हेंथा हेंसिनि गेजेरजोंनो सौसिना थाबाय लानाय

लिरगिरि-रैदोम बर', माजदिया, बगुलामारि, बाक्सा

गोरोन्थि

जिउमाया गोमालांबाय सोलेरफोरा सेवफोरलांबाय थालांबाय मुं आरो मावनायनि बिमुं, मुंखलं खाम्पायाव आंनि हालिसे सोदोब आंनि जिउमाया बेयावनो गोजोत्रानै बेजोंनो दंफायो। बोथोर मुगाफोरा द्दलाम बारग'लांबाय आंनि गोसोखाथिफोरा फारि फारि गोमोरहांबाय लिरनाय आंनि खाम्फानि हांखौ बादामालि खाफबबाय, सोर गोदान फोलेरनि मानसिफोरथो सिनायफैबावनो दालाय? आंनि बिखा सायाव गोसोबायदि रंजा रंजा गावनि गोदान बिमुं नायगिरदोंसे। दुखुआ आंहा बेयाव गैया नाथाय गोरोन्थिनि उनावबो गोरोन्थि? सुबुनि बेफोर सुद्रायख' हायै गोरोन्थिनि थाखायसो आंहा दुखु, गोरलै गथ'नि आंनि बिखायाव उपलेना गेलेनाय आं जेबो साना, नाथाय नोंहादि बेफोरबादिनि सम गैलिया-नों आंनि आखायखौ नाजावनासिगौसो। गोरोन्थिनि मुखव निमाहा आरो आरो निमाहानि उनाव फिन गोरोन्थि बेफोरनो जोंखौ मुंखलडव दोगथाफना दोत्रायनि जेमा, जौनि गोजोन देरा समायना खामफलाया बेयावनो गोमालांदों नोंसोर थेवबो गावनि सायखंखौ नायना मोसानो नागरलिया? । जिउमाया गोमालांगोन आंबायदिनो हा जालांगोन बेनि सिगां नोंनि सानरेबखौ नों समायना खालामलिया? गावनि आद्रा थाबावनाय सानरेबनि समायना गाव नों नायगिरलिआ? जेथो गोनां बे संसार जेख'आव नों उरसिलांनो लामा आन्दायना थानोसै? । गोथार गोसो लानानै धोरमखौ सिगांआव लानानै आवगाय गावबागाव लामा नाथाय गोरोन्थिनि उनावबो गोरोन्थि मावोब्ला नोंनि जिउमाया नोंखौनो मुगैगोन..... अब्ला मा जाहैगोन?

गलाप खुंगुर बसुमतारी बसगाव, कक्राझार

बेरेखा

दैसा जिंयाव हारिसिं जिरायना, फारि फारि नायलांदों आं, सोरगिदि मिथिगानि समायना नुथाय, अब्लाबो नुनो मोनाखै बिसोरनि गेजेराव बेरेखा साखाथिनि फैलाव फोथाराव दावसिन-दावला रंगिना खुसि आदार खनजादों। दावखा, दावथु, दावश्री, फानफेवयाली, दावब', गुबुन गुबुन अब्लाबो अराय खौसे। बोहैलानाय दैसानि दैयावबो दडे, सान्थ हायै बायदि फोलेरनि ना। दावलाडे बिसोर खौसेयै हान्जा-हान्जा। जाफेराखै माब्लाबाबो मानिबा थाखाय दावहा इसोरनि देरसिन सोरजिनि गेजेराव बिदा-बिनानाव, बिबथे-बियादे जाति-बंस' जाबायदों दिने दौलतनि गिरु-बालु, मुगैथाव, गोमोथाव खुरुक्षेत्र दावहा मानो, मानि थाखाय, मा मुलाम्फा नागिरनानै

देबासोन ब्रह्म बेंतल, एड्स एस सेथि बोसोर

आगुनि रुंसारि फावखुंग्रि फरभिन बाबिखौ अन्साइगिरिफोरा दासिमबो गोसो खाडो

हिन्दी सावथुननि बयनिखुइ समायना फावखुंग्रिफोरनि गेजेराव सासे परभिन बाबिन बे मुलुगखौ नागारलानाया 19 बोसोर जाबाय। नाथाय हास्थायगिरिफोरनि गोसोआव बिनि फाव खालामनायनि गोसोखांथिफोरा दासिमबो दड। गोबाव बोसोरसिम गिदिर पर्दायाव जरखा जायगा आवग्रिनायनि उनाव 2005 नि 20 जानुवारियाव परभिन बाबिआ बे मुलुगखौ नागर लांदो। गावनि केरियारनि समाव बियो गासैबो सुपास्टरफोरजो सावथुनआव फाव खालामदो, जेराव अमिताभ बच्चनजो लोगोसे बिनि माखासे सावथुनफोर गोसो खांथाव जाना



थालांदो। बेयो बै सममोन जेब्ला अमिताभ बच्चनआ एंग्रि यां मेननि आखु आव सागलोबसारना थादोमोन। 1974 निफ्राय 1983 नि गेजेराव बिसोर सानैआ गासै 8 सावथुनफोरव लोगोसेयै फाव खालामदो जेराव बांसिना हिट

जादो। फरभिन बाबि आरो अमिताभ बच्चनआ गिबि खेब 1974 नि सावथुन मजबुरआव लोगोसेयै फाव खालामदोमोन। रभि तन्दन बिथोन होनाय बे ट्रिलार सावथुनआव बाबिआ अमिताभनि मोजा मोन्नाय

सिख्लानि फाव खालामदोमोन। आमेरिकानि सावथुनजो थुलुंगा मोन्नाय मजबुरआ हिट जादोमोन। उनाव बे सावथुनखौ गोबां रावफोराव रिमेक खल्लामनाय जादोमोन। बे सावथुननि देंखो स्टे रब को मनाना आसान हैआ

गोबां मुंदांखा जादोमोन। इउटुबआव बे सावथुनखौ नायनो हायो। फरभिन आरो अमिताभनि जरखौ आरोबाव खनसे 1975 आव रिलिज जानाय सावथुन दिवारआव नुनो मोन्दो। यस चप्रानि बिथोन होनाय बे सावथुनआ एक्शन क्राइम ड्रामा हिन्दी सावथुननि आइकनिक सावथुनफोरजो सानफा जायो। बे सावथुनआव अमिताभआ गेकस्टारनि फाव खालामदोमोन, जेराव फरभिन बाबिआ बिनि मोजा मोन्नायनि फाव खालामदोमोन। बेवहाय सशि कापुर, नितु सिं, निरुपा रयआबो गाहाइ फाव खालामदोमोन। बे सावथुनखौ अटीटी प्लेटफर्म जि5 आव नायनो हायो।

माहाम देहानि राहा गोथां मटरआ माखासे प्रटिनजो बुंफबनाय जायो



गुसु बोथोरनि समाव गोबां मैंग-थाइंगफोर मोन्नो हायो। मैंगफोरनि गेजेराव गोथां मटरआबो दंफायो। गोथां(थाजा) मटरआ गोबां गुनफोरजो आवुं जायो। गुसु बोथोराव मटरनि ओंक्रि, परठा, पुरि आरो गोबां स्वाद गोनां डिसफोरखौ बानायनाय जायो। बेनि गेजेराव मोननै जाहोन थायो आरो बेनो जादो, बेयो जानायव गोबां स्वाद गोनां जानायजो लोगोसेनो देहानि थाखायबो गोबां मुलाम्फा गोनां जायो। बेयो प्लान्ट-बेस्ट प्रटिननि मोनसे मोजा गुन। बिखानि मोदोम बेदरखौ हेल्दियै लाखिनो थाखाय प्रटिननि गोबां गोनांथार जायो। बेजो लोगोसेनो देहानि मोदोम बेदरफोरनि थाखायबो प्रटिनखौ नांगो जायो।

मटरआव प्रटिनजो लोगोसे फाइबर, मेनिनसियाम आरो पटिसियामखौ मोन्नाय जायो। जाय बिखानि थाखाय मुलाम्फा गोनां जायो। बेजो ब्लाड प्रेशारखौ कन्ट्रल खालामनो हायो, जायनि जाहोनाव बिखाया हेल्दियै थायो। बेवहाय थानाय फाइबरआ कलेस्ट्रलखौ बाडइ खालामनायाव मदद होयो। जायजो आर्टिजिनल ब्लेकज बायदि जेना जाया आरो हार्ट एटकटनि जेना जाया बाडइ जायो। मटरआव फाइबर थायो, जाय दोगोननि थाखाय मुलाम्फा गोनां जायो। फाइबरआ उदै सिडव जाग्रा आदारखौ दोगोन खालामनायाव मदद होयो, जायजो खि गोरा बायदि जेनाफोर जाया। गुसु बोथोराव खि गोरा जानायनि अजदआ बाडो, जायजो रेहाय मोन्नो थाखाय मटरखौ जानो

हायो। ब्लाड सुगारनि लेभेलआ बांनयजो डायबिटीजनि जेनाया बाडो। मटरआ ब्लाड सुगारनि लेभेलखौ कन्ट्रल खालामनायाव मदद होयो। बेवहाय थानाय फाइबरआ ब्लाड सुगारखौ हरखाबै बांहोआ, जायनि जाहोनाव ब्लाड सुगारनि लेभेलआ मेनेज जायो। गुसु बोथोराव बाडइ फिजिकल एक्टिविटी आरो डाइटनि जाहोनाव ब्लाड सुगारआ बांसिन जायो। बेनिखायनो ब्लाड सुगारनि लेभेलखौ कन्ट्रल खालामनायाव मटरआ मुलाम्फा गोनां जायो। मटरआव एन्टि-अक्सिडेन्टखौ मोन्नाय जायो, जाय केन्सरायनफ्राय रेखांथि होनायाव मदद होयो। बेयो फ्रि रेडिकल डेमेजखौ कन्ट्रल खालामनायाव मदद होयो।

सानिया मिर्जाजो फायैलाइ बिसिनायनि खौराडा गोसारनायनि गेजेरजो सएब मालिकआ नैथि खेब जुलि

बारग टेनिस स्टार सानिया मिर्जा आरो बिनि क्रिकेटार फिसाइ सएब मालिकनि जुलिन गेजेराव सोलिनाय दावराव-दावसिनि खौरांफोरा गोलाव समनफ्राय सागलोबसारना नै थादो। बावैसो समाव बिसोर सानैनि आलादा जानायनि खौराडा सोराडाव फेदो। आधिखालाव सएब मालिकआ नैथि जुलि जाबाय। सएब मालिकआ पाकिस्ताननि फावखुंग्रि सना जाभेडजो नैथि जुलि जायो। 2024 नि 20 जानुवारिखालि सएब आरो सनाया जुलिन सावगारिफोरखौ शेयार खालामनायनै बे बाश्राखौ रोखा खालामदो।

सावगारिफोराव सएब आरो सनाखौ अनलायनाय नुनो मोन्दो। सावगारिजो लोगोसे सएबआ केप्सनआव लिरदो, 'आल्हमुदिल्लहाह'। जुलिन सावगारिफोराव सएब मालिकखौ आइभरि सेरबानियाव नुनो मोन्दो। फारसेथि सना जाभेदखौ पेस्टल ग्रिन ड्रेसआव समाइना नुदो। बियो गिलिर गहेनाजो गावनि लुकखौ आवुं खालामदो। गिबि सावगारियाव बिसोर सानैखौ गोबानानै पज होनाय नुनो मोन्दोब्ला नैथि सावगारियाव सएबखौ गावनि बिसिनि सायाव जावलिना जानाय नुनो मोन्दो। सभा जाभेदआ इन्सटग्राम हेन्डेलआव



गावनि मुंखौबो सोलायदो। बियो गावनि मुनि सिगाइव सएब मालिकनि सारनेमखौ लिरदो। सानिया मिर्जा आरो सएब मालिकआ 2010 आव जुलि जादोमोन। बिसोरिनिया सासे फिसाज्ताबो दड। थानाय

से बोसोरनिफ्राय सानिया आरो सएबनि सोमोन्दोआव दावराव-दावसि जानायनि खौरांफोरा सोराडाव फेदोमोन। सना जाभेदआ पाकिस्ताननि मुंदांखा फावखुंग्रि। बियो काहानी, ए मुश्ट-ए-खाक, रमीय वेडस हिर

बायदि सिरियालफोराव फाव खालामखोवाय। आधिखालाव सनाखौ टिभि सिरियाल सुखुनआव एनानि फाव खालामनाय नुनो मोनो।

जाहन्वी कापुरआ 69थि फिल्मफेयार एवार्डनि हाबाफारियाव पारफर्मन्स खालामगोन



फिल्मफेयार एवार्डनि 69थि हाबाफारिया बे बोसोराव गुजरातआव जागोन, जाय गावनि हारिमुआरि थासारनि थाखाय मुलुगनाडे मुंदांखा। गान्धी नगरआव खुंनो गोनां बे फोबोखौ लानानै फावगिरिफोरनि गेजेरावबो गोबां थुलुंगाखोनायखौ नुनो मोन्दो। बिसोरो बे बाश्राखौ लानानै गोबां

खुसि जादो, मानोना बिसोरो मोनसे ओरैबायदि राइज्योआव थानानै सुबुंफोरजो सरजाबनो खाबो मोन्दो, जायफोर सावथुन मोजा मोनो। फावखुंग्रि जाहन्वी कापुरआ बे बोसोरनि फिल्मफेयारआव जासैआव फारफर्म खालामगोन। फोबोआव बाहागो लागोनखौ लानानै जाहन्वीआ बुंदोदि, बे

खेबआव गुजरातआव फिल्मफेयार जागोन। जायनि सुबुंफोर सावथुन आरो हारिमुजो गोथो सोमोन्दो दड। गाव सिगांनि सानफोरव गुजरातआव गोबां सम हगार हर्दोमोन। गाव बेवहाय गावनि फेनो गोनां सावथुन मिस्तार एन्ड मिसेज माहिन शूटि खालामदो। बियो बुंवावदो, आहमेदाबाद आरो

सुस्थआव सावथुननि माखासे बाहागोखौ शूट खालामदो। क्रिकेटनि ट्रेनिनि थाखाय गाव भड्दरायाव थादोमोन। गाव गुजरातखौ गावनि असेन न' थानाय बायदि मोनो। फिल्मफेयार एवार्डनि थाखाय बे बोसोराव गुजरातआव साबसिन जायगा जादो। फारसेथि बेयो गिबि खेब जागोन, जेब्ला फिल्मफेयार एवार्डआ नै सानसिम सोलिगोन। 27 आरो 28 जानुवारिखालि टैक्निकल एवार्ड आरो गाहाइ एवार्डखौ फोसावनाय जागोन। जवान, पाठान, एनिमेल, गादार-2 सावथुनफोर 500 कौटि रनि क्लाबआव सौहैदो। गादार-2 नि अनगायै मोन 3 सावथुनफोरजो लोगोसे जाग हाथ के जाग बासके, रकि और रानी की प्रेम काहानी, सेम बाहादुर, डंकि आ मिउजिकजो सोमोन्दो गोनां थाखोआव मुंथिसनो हादो।

सावथुन बडे मियां छटे मियांनि टिजारआ थाबैनो रिलिज जासिगोन



2024 नि मस अभेटेड सावथुनफोरनि गेजेराव सावथुन बडे मियां छटे मियांआबो थाफादेरनो हादो। आलि अब्बास जफरनि बिथोन होनाय सावथुनआ गिबि खेब अक्षय कुमार आरो टाइगर श्रफखौ लोगोसेयै एक्शनजो दोहो सोमजिहोनाय नुनो मोन्दो।

टाइगर आरो अक्षयनि गोदान जराखो नायनो थाखाय नायगिरिफोरा थुलुंगा खांदो। बे जाहोनावनो जेब्लानिफ्राय बडे मियां छटे मियांनि टिजारनि रिलिजखौ फोसावदो अब्लानिफ्रायनो फेन्सफोरा गोसो होसारना नेना थादो। टिजारनि सिगां फेन्सफोरनि

एक्साइटेमेन्टखौ बांहोनो थाखाय मोनसे गोदान पस्टरखौ शेयार खालामदो। बे सावथुनआव अक्षय आरो टाइगरजो लोगोसे गाहाइ फाव खालामनाय सनाक्षी सिन्हाआ शनिबाखालि फेन्सफोरनि एक्साइटेमेन्टखौ बांहोनो थाखाय सावथुननि मोनसे गोदान पस्टरखौ शेयार

खालामदो। बेवहाय अक्की आरो टाइगरनि दोहो गोनां आखुखौ नुनो मोन्दो। आखायाव सिलाय लानानै फाइथिनि मुडआव अक्षय आरो टाइगरआ सुशुरफोरजो जुजिनो थाखाय थियारि जानाय नुनो मोन्दो। बेडे मियां छटे मियांआव अक्षय आरो टाइगरनि सुशुरफोरजो गिखंथाव एक्शन सिन खालामनायखौ नुनो मोनगोन होन्ना बे पस्टरखौ रोखा जादो। एक्शन ट्रिलार बडे मियां छटे मियांनि टिजारखो 2024 नि 24 जानुवारियाव रिलिज खालामनाय जागोन। सावथुनआ बे बोसोरनि इडआव मुलुगनाडेनि थिएटरफोराव रिलिज जागोन।

सावथुन हनु मेनआ थाबैनो 100 कौटि रांनि क्लाबआव थाफादेरनो हासिगोन

प्रशान्त भर्मानि बिथोन होनायाव बानायनाय तेलुगु सावथुन हनु मेनआ साउथनि गिदिर गिदिर सावथुनफोरजो सेलेन्ज होनो गोनां जादो। नाथाय थेवब्लाबो बे सावथुनखौ रावबो फेजेन्नो हायाखै। सावथुनआ जेब्लानिफ्राय सिनेमाहलआव रिलिज जादो अब्लानिफ्रायनो गोबां रां आरजिदो। सुपारिहर' बेस्ट एक्शन ट्रिलार हनु मेनआ 2024 नि 12 जानुवारियाव सिनेमाहलफोराव रिलिज जादो। के निरन्जन रेड्डि बानायनाय सावथुनआ मोजाडे जगायानानै गिबि सानखालिनो

बक्स अफिसआव जरखा जायगा आवग्रिदोमोन। आधिखालाव सावथुनआ थाबैनो 100 कौटि रांनि क्लाबआव थाफादेरनो हासिगोन। थानाय शुकुबारखालि थिएटरफोराव रिलिज जानाय हनु मेनआ 8 कौटि रांजो अपेनि जादोमोन। बे सावथुनआ सिगांनिफ्राय 2थि शुकुबारखालि बांसिन रां आरजिदोमोन। सेकमिल्लकनि जागायजेन्नाय अनजिमानि बायदिब्ला 2थि शुकुबार एबा 8थि सानखालि सावथुनआ 9 कौटि रांखौ आरजिदो। हनु मेनआ महेश बाबुनि गुन्दुर



कारम आरो धनुशनि केटेन मिलरजो लोगोसे सिनेमाहलफोराव रिलिज जादोमोन। 8थि साननि गेजेरावबो बे मोन्नै सावथुनफोरा गात्रि थासारिजो भुगिनांदोब्ला गुबुन फारसेथि

हनु मेनआ दासिमबो बक्स अफिसआव दोहो सोमजिहोनाय हादो। 8थि सानाव गुन्दुर कारमआ 3 कौटि रांखौ आरजिदो, जेराव धनुशनि केटेन मिलरआ 1 कौटि रांखौ आरजिदो।

सौरभ शुक्लाया गावनि गोसोनि बाश्रा फोरमायदो

माखासे फावगिरिफोर दड, जायफोरनियाव लिरनो हानाय आरो बिथोन होनो हानायनिबो रंगथि दड। बिसोरो गावसोरनि फाव खालामनायनि कन्फर्ट जनखौ नागारनानै बे गासैबो थासारियाव गावसोरनि रंगथिखौ बाहायो। सत्या आरो जलि एलएलबि बायदि सावथुनफोराव फाव खालामखोनाय फावखुंग्रि सौरभ शुक्लायाबो गावखौ सेलेन्ज होनायनिफ्राय उन जाना थायाखै। बियो लिरगिरि आरो



बिथोनगिरिबो। सौरभ शुक्लाया फाव खालामनायनि थाखाय जाय मुंदांखा आरो रांखौ आरजिनो हादो, बेयो लिरनाय आरो बिथोन होनायनिफ्राय बाडइसिन जायो होन्ना मिथियो। नाथाय

थेवब्लाबो बियो फाव खालामनायजो लोगोसे बे खामानिफोरखो मावबाय थादो। सौरभआ बुंदोदि, साफ्रोमबो आर्टिस्टफोरनि, जाय कन्फर्टजन थायो बेयो डिस कन्फर्ट जनबो

जायो। सौरभआ फोरमायबावदो गाव लिरनाय आरो बिथोन होनायनिफ्राय बांसिन फाव खालामनो मोजा मोनो, मानोना बेवहाय आरमै थानो हायो आरो रांखौबो बांसिन मोनो। जेब्ला गाव बे सावथुन इन्डस्ट्रीआव फेदोमोन अब्ला गाव गावखौनो सासे फावखुंग्रि महरै सिनायथि होदोमोन। नाथाय कन्फर्ट जनआव फेनो थाखाय लिरनायखोबो जागायदोमोन आरो उनाव सावथुन बिथोन होनायखौबो जागायो।

एलन मास्कनि स्टारलिक इन्टारनेट सिबिथाया थाबैनो जागायनो हासिगौ

गोदान दिल्ली, 20 जानुवारी: अरबपति फालांगियारि एलन मास्कनि स्टारलिक सिबिथाइनि सायाव गोबाव समनिक्रायनो सावरायनाय जाबोगासिनो दं। इन्टारनेट बाहायगिरिफोरा भारतआव स्टारलिक इन्टारनेट सिबिथाय सौफेनायखौ गोसो गुदुडै नेगासिनो दं। बेखौ फोथायनाय जायोदि, स्टारलिकनि इन्टारनेट सिबिथाया फेबाय थानाय समाव भारताव जागायगोन। दायो बेनि सोमोन्दै मोनसे गिदिर आपडे अओखारबाय। स्टारलिकआ थाबैनो भारत सोरकारनिक्राय गनायथि मोननो हागोन। मख'नो गोनादि, स्टारलिकआ मोनसे ग्रहसा-बिथा इन्टारनेट सिबिथाय होग्रा। बे जायगाया स्पेस स्पेक्सजॉ सोरजिजानाय। बेयो ओरैबायदि मोनसे सिबिथाय जेराव रोजा रोजा फिसा ग्रहसाफोरनि हेफाजाबजों गोखैथि गोनां इन्टारनेट सिबिथाय होनाय जायो। स्टारलिकआ इन्टारनेटनि



थाखाय ल' आर्थ अर्बिट ग्रहसाखौ बाहायो। मोनसे मीडिया रिपोर्टनि बायदिब्ला, मास्कनि दारिमिन आरो इसिडरि फालांगि बिफाननि कम्पानीनि बाहागोआरिफोरा बेखेफोरथिजों आबुडै गोजोन्नाय मोनो। बेनि उनाव, बेखौ फोथायनाय जायोदि, बिथानि कम्पानीया थाबैनो भारताव गनायथि मोननो हागोन। स्टारलिकखौ बोसोर 2019 मायथाइयाव लन्च खालामनाय जादोंमोन आरो बे खेबाव दर 56 नि बांसिन

हादोरफोराव सिबिथाय होनाय जादों। भारताव स्टारलिकनि सौफेनाया इन्टारनेट मुलुगाव मोनसे गिदिर सोलायनाय लाबोनो हागौ। स्टारलिक सौफेनायनि उनाव थाखानाय इन्टारनेटनि गोखैथिया गोबां गुन बांनो हागौ। भारताव स्टारलिकआ थंजोडैरिलायेन्स जिअ'जों बादायलायनो हायो। जुदि स्टारलिकआ भारताव इन्टारनेट सिबिथाय जागायनो गनायथि मोनो अब्ला बेयो हादोराव ग्रहसा-बिथायारि

इन्टारनेट सिबिथाय होग्रा थामथि कम्पानी जागोन। बेनि सिगाडव हादोराव रिलायेन्स जिअ' क मिडनिके सन सेटेलाइट आरो एयारटेलनि वनवेव ग्रहसा इन्टारनेट सिबिथाय होनो थाखाय गनायथि मोननाय जादोंमोन। रिपोर्टनिक्राय मिथिनो मोनोदि, डि.अ.टि. (टेलिकम्युनिकेसन बिफान) आ फे गो बुधवारसिमाव मास्कनि कम्पानीनो मोनसे थांखिनि लाइजाम हरनायनि आसा दं।

दाय गैयै गथ 'फोर आरो आइजोफोरा इजराइल-गाजा दावहानि मैहुर जानांदों

इउएन, 20 जानुवारी: 7 अक्टबरखालिनि फ 1 य जागायनाय इजराइल-गाजा दावहाया थाबथानायनि मुं लायाखै। बे बुथाररलुनाय दावहानि बयनिखुइ बांसिन आइजो आरो गथ'फोरा मैहुर जानांदों। बेगफासै गासै 16 रोजा सुबुंफोरनि जिउ गोमाबाय। हमदांनानै लानाय बादिब्ला, इजराइलनि सायाव हमामसनि हरखाबै गाग्लोबनायनि उननिक्राय मोनफ्रोम घन्टयाव सानै बिमाफोरनि जिउ गोमागासिनो दड। बे दावहाया 100 साननिखुइबो बावसिन जालांबाय। नाथाय दासिमबो जेबो रहा-लामा ओंखाराखै। इउएननि गेजेरजों थांनाय शुक्र बारखालि फोसावनाय मोनसे रिपोर्टनि बादिब्ला, बे दावहानि उननिक्राय खमैब्लाबो सा 3,000 आइजोफोरा रान्दि जाखांबाय आरो गासै 10 रोजा



गथ'फोरा गावसोरनि बिफाफोरखौ खोमानानै लानांबाय। एजेन्सिआ फोरमायनाय बादिब्ला, ओन्सोलनि 2.3 मिलियन थागिबिफोरनि गेजेराव 1.9 मिलियनआन' गैजायै जाखांबाय आरो गासै 10 लाख आइजो आरो हिन्जावसाफोरा आश्रय आरो रैखाथि नागिरदों। इउएन आइजोनि बिथोनगिरि सिमा बाहौसआ फोरमायदोंदि, गाजा आरो वेस्ट बँकआव थैनाय गासै

नोगोरारिफोरनि गेजेराव 67 जौखोन्दोआ हौवाफोर आरो 14 जौखोन्दोनिखुइ खमसिनआ आइजोफोरमोन। बे समाव सिमाआ इउएननि गहाइ नेहाथारि एटनिय गुटोरसनि सुबुंथियारि दावहा दोन्थ'नाय आरो 7 अक्टबरआव इजराइलआव जोबथेना लाखिनाय गासै सुबुंफोरखौ थाबैनो हगारनो खवलायनायखौबो मख'दों। हमामसनि गेजेरजों सालायनाय गाजायाव देहायारि बिफाननि

बुंनाय बादिब्ला, दावहायाव गासै सा 25,000 फिलिस्ताइनफोर जिउ गोमाबाय, जायफोरनि गेजेराव 70 जौखोन्दो आइजोफोर आरो गथ'फोर दड। इउएननि बुंनाय बादिब्ला, गाजायाव थागिबिफोरनि 4 बाहागोन 1 बाहागो सुबुंफोरा उखैनायजों थैगासिनो दड। गनायनानै लानाय बादिब्ला, गाजायाव दासिमबो 100 निखुइ बांसिन इजराइलनि जोबथेना लाजानायफोरा हगार हरजायाखै।

महिन्द्रा थार, स्करपिअ' आरो एक्सइउभि 700 नि बेसेनखौ बांहोदों



गोदान दिल्ली, 20 जानुवारी: महिन्द्रा एन्ड महिन्द्राया गावसिनि एसइउभि मडेल स्करपिय'-एन, थार आरो एसइउभि-700 नि बेसेनखौ बांहोदों। बे थिरांथाया दिहुनथाय खरसा बांनानयनि थाखाय लानाय जादों। बे मोनथाम मुंदांखा एसइउभि मडेलफोरनि थि रोखोमफोराव बेसेन बांनाना हरखाबै गोहोम गोग्लैयो। एसइउभि-700 एसइउभिआव बयनिखुइ बांसिन बेसेन बांनानय नुनो मोन्दों। मख'जाथावदि, 7-सीट कन्फिगरेसन आरो मेनुयेल गियारबक्सजों लोगोसे एक्स-7 एल पेट्रल भेरियेन्टआ 57,000 नि गोबां बांनानय मोनो। बेबायदिनो मोनसे मडेलनि डिजेल भेरियेन्ट, जाय मेनुयेल आरो अट'मेटिक ट्रेन्समिसन

मोनैजोंबो मोननो हायो, बेनि बेसेना 53,000 रॉसिम बांनानय नुनो मोन्दों। मख'जाथावदि, बेसेन थि खालामनाया रोखोमसे जायाखै। मानोना एक्सइउभि-700 नि 8 रोखोमफोरनि बेसेनाव खमायनाय नुनो मोन्दों। मोनब्रै एन्टी-लेबेल पेट्रल भेरियेन्टफोरखौ 15,000 रॉसिम खमायनाय जादों। मोनसे अट'मेटिक गियारबक्स आरो 5-सीट अपसनफोरजों सुजुनाय एएक्स-5 डिजेल रोखोमाव 21,000 नि बांसिन गाहायाव फेदों। एक्सइउभि-700 नि बेसेना आथिखालाव 13.99 लाखनिक्राय जागायनानै 26.99 लाख (एक्स-शरुम) नि गेजेराव। मोनसि भेरियेन्टनि बेसेनाव जेबो सोलायनाय जायाखै। स्करपिय'-एन आरो

क्लासिक मडेलफोरनि बाश्त्रा बुडोब्ला, बे एसइउभिफोरनि गासैबो रोखोमफोराव बेसेन बांनानय नुनो मोन्दों। बे बेसेन बांनाना 1,000 निफ्राय लानानै गोबांसिन 40,000 सिम जायो। नाथाय अल-व्हील ड्राइभ (ए.डब्लिउ.डि.) आरो अट'मेटिक ट्रेन्समिशनजों जेड्ड 7-सीटर रोखोमआ बेनि आथिखालनि बेसेनखौ 23.08 लाख (एक्स-शरुम) लाखिबाय थादों। बे लाइनआपआव बयनिखुइ बांसिन बेसेन बांनाना जेड्ड एल 6-सीटर भेरियेन्टआव मेनुयेल ट्रेन्समिशनजों पेट्रल आरो डिजेल मोनैबो रोखोमाव जादों। हाबनाय थाखोनि पेट्रल स्करपिय'-एनआव 34,000 रॉ

बांनानय नुनो मोन्दों। जेराव एन्टी-लेबेल डिजेल रोखोमनि बेसेना 24,000 रॉ बांदों। बेबादिनो, स्करपिय'-एन एसइउभि आ दायो 13.60 लाख (एक्स-शरुम) निफ्राय जागायजेनो आरो टप-एन्ड भेरियेन्टनि बेसेना 24.54 लाख (एक्स-शरुम) सिम जायो। महिन्द्रा एन्ड महिन्द्रायाबो थार एसइउभिनि गासैबो रोखोमनि बेसेनफोरखौ बांहोदों। बयनिखुइ बांसिन बेसेन बांनानयखौ एएक्स (अ') डिजेल मेनुयेल भेरियेन्टआव नुनो मोनो, जाय दा 35,000 सिम बांनानय। बेनि अनगायैबो अट'मेटिक गियारबक्सजों लोगोसे टप-एन्ड पेट्रल भेरियेन्ट एलएक्सनि बेसेना 34,000 रॉ बांदों। बेजों लोगोसे थारनि जागायजेन्नाय बेसेना 11.25 लाख (एक्स-शरुम) जाहैबाय। फारसेथिं टप-एन्ड भेरियेन्टनि बेसेना 17.20 लाख (एक्स-शरुम) सिम जायो।

चीननि गंसे स्कुलनि बेड रुमआव अर खामनाय जाथाया सोराडाव फेदों

चीन, 20 जानुवारी: चीननि गंसे स्कुलनि उन्दुग्रा न' खथायाव हरखाबै हरनि समाव अर खामनाय जाथाया सोराडाव फेदों। बे न' खथायाव उन्दुनाय सुबुंफोरा गिखंथाव अरनि बेंखनथायाव फेदों आरो जिउ खोमानो गोनां जादों। जाथाइयाव सौहैनाय अर खोमोखा बिफाननि मावसुमाफोर अरखौ खोमोरनो थाखाय गोबां नाजादोंमोन नाथाय बै समसिमाव थासारिया गोब्राव जाखांबायमोन। बे जाथायजों गोबां सुबुंफोरा जिउ खोमानो गोनां जोदों। बिबानगिरिफोरनि बायदिब्ला गिखंथाव अर खामनायनि खोंरां मोननाय लोगो




लोगोनो जाथाय सालियाव अर खोमोनग्रा मावसुमाफोरा सौहैदोंमोन नाथाय अर खामनायनि जाहोनाव सा 13 सुबुंफोरा थैयो। सासे सुबुडा जोखोम जायो, जायखौ देहा

फाहामसालियाव थिसननाय जाबाय। चीननि सरकारि खोंरांलाइ दा पिपुल्स लेडिआ शनिबारखालि फोरमायदोंदि, हेनाननि यानशानु गाभियाव इन्काइ स्कुलआव

शुक्र बारखालि हरनि 11 रिंगायाव अर खामनायनि खोंरांखौ मोनो। जायगानि बिबानगिरिफोर अर खामनायनि जाहोनखौ नायबिजिरगोसिनो दड।

जापानआ अखाफोराव सौहैनाय 5 थि हादत जाबाय

थाखाय स्मार्ट लेन्डार एबा एसएलआइएमआ जायगानि सम बायदियै हरनि गासै 12:20 रिंगायाव अखाफोरनि सायाव बागलायो। जापाननि अखांमा एजेन्सिनि बुंनाय बायदिब्ला अखाफोरनि सायाव बागलायनायनि उनाव बियो गावनि सालायग्रा गैयै यान मुन स्नाइपारजों लोगोसे दावबायगासिनो दड। नाथाय जापानआ बे जाफुंसारनायखौ मोनसे गिदिर सांग्रांथिजों लोगोसे मोन्दों। ओरैबायदि सन्देह' खालामनाय जादोंदि, अखांमा याननि मोनसे मख'जाथाव बाहागोया गात्रि जाबाय, जायजों मेशिननि जाफुंसारनाया अलखदआव गोग्लैबाय। अखांमा याननि सलार जेनेरेटरआ खामानियाव होयाखै आरो बेयो आबुडै बेटारिजों अपरेट जागासिनो दड। जुदि बेखौ गाहाम खालामनो हायाब्ला बेटारिया



थानाय शुक्रबारखालि मोनसे गोजू थाखोनि जथुमा खालामो। सुलुडव फोरमायनाय बायदिब्ला बेनि सिमां दरनै न'सुसे हादतफोरा गावसोरनि ओन्सोलाव सांन्थियारि गाग्लोबनायनि उनाव गात्रि जानाय सोमोन्दोफोरखौ सुखांफिनो थाखाय गनायथि जादोंमोन। माहारियारि रैखाथि परिसद (एनएससि) नि बे जथुमाखौ गाहाइ मन्थि अनवार-उल-हक काकडआ दैदेंदों। बेयाव मोन्थाम सांन्थि हान्जाफोरनि गाहाइ, केबिनेट मन्थिजों लोगोसे माखासे गुबुन बिबानगिरिफोराबो बाहागो

लादोंमोन। मख'नो गोनांदि, रैखाथि आरो गुबुन हादतयारि बिफाननि बिबानगिरिफोरा जथुमायाव इराननि गाग्लोबनाय सोमोन्दैयै खोंरां होदों। बिथाड फोरमायदोंदि, एनएससिनि गेजेरजों इरानजों लोगोसे इयुननि सोमोन्दैफोरनि सोमोन्दैयै बिथोन फोसावनो हागौ। काकडआ थांनाय बृहस्पतिबारखालि हरआव दावसनिफ्राय गावनि हादतआव फेफिन्दोंमोन। बियो पाकिस्तान आरो इराननि गेजेरजों गावजों गावनि हंथायै सांन्थियारि

मिनिमामै जाफुंसारनो हागोन होन्ना गनायना लादों। सुलुडव फोरमायनाय बायदिब्ला जापाननि सिमां आमेरिका, रसिया चीन आरो भारतआ बेखौ जाफुंसारनो हाबाय। थांनाय बोसोरव भारतआ अखाफोरनि खोला बाहागोनि खाथियाव जाफुंसारै मोनसे अखांमा यानखौ बागलायहोनानै जारिमिन सोरजिदोंमोन।

खेल' इन्डिया इयुथ गेम्सखौ गाहाइ मन्थि मदिआ बेखेवबाय

गोदान दिल्ली, 20 जानुवारी: गाहाइ मन्थि नरेन्द्र मदिआ तामिलनाडुनि चेन्नाइआव थानाय जवाहरलाल नेहरु स्टेडियमआव 6 थि खेल' इन्डिया इयुथ गेम्सखौ बेखेवनानै होबाय। बेखेवनाय हाबाफारिनि समाव तामिलनाडुनि गिबि मन्थि एमके स्टालिन, मिरु गेलेमु मन्थि अनुराग ठाकुर आरो मिरु मन्थि निसिथ प्रमानिकआबो नुजाफेदों। बे गेम्सआ फेगौ 31 जानुवारिसिम सोल्लिगोन। मख'नो गोनादि, गिबि खेब बे गेम्सआ खोला भारतआव खुंजादों। खेल' इन्डिया गेम्सनि 6 थि सिजनआव दर36 इयुथो आरो मिरुजों सामलायजानाय राइज्योफोरनिफ्राय सा 5630 निबो बांसिन लाइमोन



गेलेगिरिफोरा मोन 26 इभेन्टफोरव गावसोरनि गोहोखौ दिन्थिगोन। बे गेम्सआ तामिलनाडुनि दखे जायगा फारिसे चेन्नाइ, कयमबटुर, मादुराइ आरो तुषिआव खुंजागोन। बेखेवनाय हाबाफारिनि समाव गाहाइ मन्थिआ हारदरनि मोनफ्रोमबो खनानिफ्राय सौफेनाय

गेलेगिरिफोरा आरो गेलेमुखौ मोजा मोनग्रा सुबुंफोरनिसिम गाहाम हामलायथि हर्दों। लोगोसे जुथयै हारदरनि जौगानायव खैसेथि थानायखौ बाख्यायदों। बे समाव गेलेमु मन्थि ठाकुरआ खेल' इन्डिया गेम्सनि गेजेरजों ग्राउन्ड लेभेलनि रोंगथि गोनां गेलेगिरिफोरखौ संदानो

नाजानायखौ फोरमायनानै बेनि गेजेरजोंओ अलिम्पिकआव सौहैनो हागोननि खाबुखौ फोरमायो। गाहाइ मन्थि नरेन्द्र मदिनि दैदेनायाव 2030 आव इयुथ अलिम्पिक आरो 2036 आव सामार अलिम्पिक गेम्सखौ खुंफु'नो थाखायबो दाबि देखेगासिनो दड।

भारतीय आइजो हकी टीमआ

अलिम्पिकआव सौहैनायनि सिमाइ फेलें

गोदान दिल्ली, 20 जानुवारी: भारत आरो जापाननि गेजेराव एफआइएएस अमेन अलिम्पिक क्वालिफायरआव थामथि मासि आरो अलिम्पिक टिकेट मोन्नायनि थाखाय बादायनाय मेचआ जोबनानै थांबाय। नाथाय बे मेचआव भारतीय आइजोफोरा 1-0 स्करआव जेन्नांनानै अलिम्पिक 2024 आव गेलेनायनि सिमांखौ खोमानांदों। भारतीय आइजोफोरा बे टुर्नामेन्टआव सिमांनि समाव मोजाडै दिन्थिफुंनय फर्मफोरखौ लाखिनायाव फेलें जादों। दासिमाव भारतीय आइजो टीमआ गोब्राब नाजानायनि जाउनावबो अलिम्पिकनि थाखाय क्वालिफाइ जानो हायाखै। जापान आरो भारतनि गेजेराव गेलेनाय बे मेचआ रासिनि बिसा मुन्दा



इन्टारनेसनल स्टेडियमआव जानानै थाडै। जायनि थाखाय गोबां भारतीय फेन्सफोरानो नख'रारि फोथारआव दुखुजों स्टेडियमनि फाय ओंखारबोनांदों। भारतीय आइजो टीम आरो जापाननि आइजो टीमफोरनि गेजेराव गिबि समाव गोखों सेलेन्ज लाज्जानायखौ नुनो मोन्दोंब्लाबो उननि समाव भारतीय हान्जाया गावसोरनि फर्मखौ लाखिनायाव फेलें जाहेंदों। भारतआ बे मेचआव

गासै खेब 11 शट होनो मोन्दोंब्लाबो गल सोनायाव फेलें जादों। नाथाय जापानआ खेब 6 शट होनायनि गेजेरावबो गावसोरनि खाबुखौ लानो हादों। भारतआ खेब 13 बलखौ जापाननि सार्कलआव लांनो हादोंमोन। नाथाय बे समाव जापानआ खेब 8 भारतनि सार्कलआव लाबोनी हादोंब्लाबो गावसोरनि मुलाम्फाखौ लाखिनो हादों। पेनाल्टि कर्नरआवबो भारतीय

टीमआ जापाननिफ्राय बांसिन खाबु मोन्दोंमोन। गासै खेब 9 पेनाल्टि कर्नर मोनसेआवबो भारतआ गल सोनो हायाखै। नाथाय खेबबै पेनाल्टि कर्नरनि गेजेरावो जापानआ गरसे गल सोनो हायो। जापानआव गेलेनाय अलिम्पिक 2020 आव भारतीय आइजो गेलेगिरिफोरा मोजाडै दिन्थिफुंदांमोन। नाथाय भारतआ मोनबो मेडेल देरहानो हायाखैब्लाबो गावसोरनि रोंगथिजों फेन्सफोरखौ गोजोनहोनो हादोंमोन। बेबादि थासारिआव फेन्सफोरा बिथामोननिफ्राय बे खेबआव साबसिनै दिन्थिफुं'गोननि मिजिंथि लादोंमोन आरो अलिम्पिकनि थाखाय क्वालिफाइ जानायनि मिजिंथिनाया फेलें जादों।

प्र: काबाडि लीग: पाटना पाइरेटसआ इउपि यद्दाखौ गाख्लायदों

गोदान दिल्ली, 20 जानुवारी: प्र: काबाडि लीगनि 10 थि सिजनआव गोखोडै बादायलायनाय नुनो मोन्दों। शुक्रवारखालि जालांनय गिबि मेचआव टेलेगु टाइटन्स आरो बे'गालुरु बुल्सआ सेलेन्ज लाखिलायदों। नैथि मेचआव पाटना पाइरेटस आरो इउपि यद्दानि टीमआबो गोखोडै दिन्थिफुंदां। गिबि बादायनाय मेचआव बे'गालुरु बुल्सआ टेलेगु टाइटन्सखौ फेजेन्दों। गिबि हाफआव उन जानायनि उनाव बुल्सआ आवगायफिन्नानै टाइटन्सखौ 42-26 स्करआव फेजेन्दों। गुबुन फार्से इउपि यद्दाआ पाटना पाइरेटसनि हेंथायै 34-31 स्करआव जेन्नांदों। गिबि मेचआव टाइटन्सआ टसआव देरहायो आरो बुल्सआ गिबियै रेडआव ओंखारो। गिबि हाफआव टाइटन्सआ बुल्सनि हेंथायै 12-9 स्करआव आवगायो। टाइटन्सनिफ्राय गिबि हाफआव पवन सेरावत आरो महितआ बयनिबो बांसिनै 3-3 पइन्ट आर्जियो आरो बुल्सनि थाखाय सुजित सिंह-प्रतिकआ 2-2 पइन्ट लानो हायो। नैथि हाफआव बुल्सआ आवगायनानै टाइटन्सखौ 42-26 स्करआव फेजेन्दों। बुल्सनि


थाखाय सुरजित सिंह आरो भिकास कन्डलाआ बे समाव 6 आरो 7 पइन्ट आर्जिदों। टेलेगु टाइटन्सआ खेब 13 मेचआव दासिमाव खेब 12 देरहाबाय। गुबुन फार्से बुल्सआ खेब 6 मेचआव देरहानो हाबाय। गुबुन नैथि मेचआव पाटनानि टीमआ टसआव देरहायो आरो गिबि हाफ समसिमआव पाटनाआ 21-15 स्करआव आवगायो। पाटनानि थाखाय राइडार मनजितआ 5 आरो सन्जप



कुमारआ 4 पइन्ट लानो हायो। इउपिनि थाखाय बयनिबो बांसिन 6 पइन्ट सन्दिप चौधुरिआ लादों। नैथि

हाफआवबो पाटनानि टीमआ गोखोडै दिन्थिफुंदां आरो फुल टाइम जोबनायनि सिमांनो 34-31 स्करआव देरहादों।

सबालेन्का आरो कक गफआ अस्ट्रेलियान अपेननि ब्रैथि राउन्डआव, सिनार-मेनारिन'आबो देरहानायजों आवगायदों



बेलग्रेड, 20 जानुवारी: बाराग' सेमियन बेलारुसनि आर्यना सबालेन्का आरो ब्रैथि रेंकिनि 19 बोसोरनि गेलेगिरि कक गफआ गोलेनैथेनो देरहानानै अस्ट्रेलियान अपेनआव आइजोफोरनि सिंगेल्स केटरनि ब्रैथि राउन्डआव सौहैबाय। हौवाफोरनि केटरनिआव मुलुगनि नम्बर-4 गेलेगिरि यानिक सिनारआ मोनबो सेट पइन्ट खोमानाडालासे ब्रैथि राउन्डआव सौहैदों। बिथाडा थामथि राउन्डआव सेबेस्टियान बेइजलखौ 6-0, 6-1, 6-3 स्करआव फेजेन्दों। इटलीनि गेलेगिरिआ 25 पइन्टनि गेजेराव 18 पइन्ट नेट लाखिदों। 20 थि रेंकिनि एन्ड्रियान मेनारिन'आ आमेरिकानि बेन सेल्टनखौ 7-6, 1-6, 6-7, 6-3, 6-4 स्करआव फेजेन्दों। ब्रैथि राउन्डआव बिथाडा

मुलुगनि नम्बर 1 नभाक जकभिचजों सेलेन्जआव ओंखारगोन। आइजो केटरनिआव सबालेन्काआ इउक्रेनि लेसिया सुरेन्क'खौ 6-0, 6-0 स्करआव फेजेन्दों। गफआ एरिसा पार्कासखौ 6-0, 6-2 स्करआव फेजेन्दों हादों। थामथि राउन्डनि गुबुन मेचफोरव मेगडलिना फ्रे सआ अनास्तासिया जकार'भाखौ 4-6, 7-5, 6-4 स्करआव फेजेन्दों। मार्टा कस्त्युकआ एलिनाखौ 2-6, 6-4, 6-4 आरो मिरां एन्ड्रिआआ पेरिखौ 1-6, 6-1, 7-6 स्करआव फेजेन्दों हादों। नैथि रेंकिनि सबालेन्काआ 12 दाननि

नभाक जकभिचआ टुर्नामेन्टआव लान्थियै 31 थि मेच देरहादों

बेलग्रेड, 20 जानुवारी: मुलुगनि नम्बर 1 टेनिस गेलेगिरि नभाक जकभिचआ अस्ट्रेलियान अपेननि ब्रैथि राउन्डआव सौहैबाय। बिथाडा थामथि राउन्डनि मेचआव थामास एसेभेरिखौ 6-3, 6-3, 7-6(7-2) स्करआव फेजेन्दों। सार्बियानि गेलेगिरि जकभिचआ बे मेचखौ 2 घन्टा 28 मिनटआव देरहानो हादों। बेनि सिगां एसेभेरिआ गिबि राउन्डआव ब्रिटेननि एन्डि मुरे आरो नैथि राउन्डआव फ्रान्सनि गेल मनफिल्सखौ फेजेन्नाने बिर्मुनि फार्से आवगायदोंमोन। नाथाय बिथाडा जकभिचनि सेलेन्जखौ बारनायाव फेलें जादोंमोन। गुबुन फार्से भारतनि रहन बपन्ना आरो अस्ट्रेलियानि मेथ्यु एबडेननि जराआ मोजाडै दिन्थिफुंनयजों आवगायो। नैथि राउन्डनि मेचखौ गोलेनैथेनो देरहानानै बिसोरसैनैआ थामथि राउन्डआव सौहैयो। बपान्ना-एबडेननि जराआ अस्ट्रेलियानि जन मिलमेन आरो एडवार्ड उइन्टारनि जराखौ फेजेन्दों। नैथि रेंकिनि जराआ बे मेचआव 6-2, 6-4 स्करआव देरहायो। बेनि सिगां बपान्नाआ नैथि राउन्डआव



गावनि केरियारनि 500 थि मेच देरहानाय थिसन्दों। जकभिचआ ब्रैथि राउन्डआव सौहैनायजोंनो सुइजारेण्डनि बारा' गेलेगिरि रजार फेडेररनि समान रेकर्डआव सौहैदों। थानाय 45 बोसोराव सानै गेलेगिरिआल' 36 बोसोर बैसोनि उनाव अस्ट्रेलियान अपेननि ब्रैथि राउन्डआव सौहैनो हादों। बे रेकर्डखौ गिबियाव फे डेररआ थिसन्दोंमोन। मख'नो गोनादि, फेडेररआ 36 बोसोर बैसोनि उनाव अस्ट्रेलियान अपेननि बिर्मुंखौ 2018 नि सिजनआव देरहादोंमोन। सोलिफु समाव जकभिचआ 11 थि खेब

अस्ट्रेलियान अपेनआव बिर्मुं देरहानायनि थांखिआव दड। बिथाडा बे टुर्नामेन्टआव लान्थियै खेब 31 थि मेच देरहाबाय। रिपर्टनि बादिब्ला, मनिंका सेलेसनि उनाव अपेन इगनि ग्रेन्डस्लेमआव बिथाडा लान्थियै खेब 30 निखुइ बांसिन सिंगेल मेचआव देरहानाय नैथि गेलेगिरि जानो हादों। मेच देरहानायनि उनाव जकभिचआ गावनि मोजाडै दिन्थिफुंनो हानायखौ फोरमायो आरो गिबि खेबनै सेटआव गावनि मिजिंथियै दिन्थिफुंनो हानायखौ गो जोन्नाय फोरमायो। ग्रीसनि स्टार

स्टेफेनस सिटसिपासआबो ब्रैथि राउन्डआव सौहैबाय। बिथाडा थामथि राउन्डआव फ्रान्सनि लुका वान एसखौ 6-3, 6-0, 6-4 स्करआव फेजेन्दों। अस्ट्रेलियान अपेननि गासै प्राइज मानीआ 481.2 कौटि रं जागोन। जाय रंआ थानाय बोसोरनि रुजुनायाव 13 जौखोन्दो बांदों। हौवाफोरनि सिंगेल्सआव देरहानाय गेलेगिरिआ 17.50 कौटि रं मोनगोन। लोगोसे टुर्नामेन्टनि गासैबो केटेगरिनि थाखाय मोनफ्रोम स्टेजआव गुबुन गुबुन प्राइज मानी होनाय जागोन।

सिराग शेति आरो सात्विकसाइराज रेन्किरेडिनि जराआ इन्डिया अपेननि सेमिफाइनलाव सौहैबाय

गोदान दिल्ली, 20 जानुवारी: सात्विकसाइराज रेन्किरेडिनि आरो सिराग शेतिनि मुलुगनि नैथि नम्बरनि जराआ क्वार्टर फाइनलाव देरहानानै इन्डिया अपेन सुपार 750 बेडमिन्ट टुर्नामेन्टआव हौवाफोरनि डबल इभेन्टनि सेमिफाइनलाव सौहैबाय। नाथाय वर्ल्ड सेमियनसिप आरो एसियान गेम्सनि ब्रन्ज मेडलिस्ट एडसएस प्रनयआ गिबि खेब नख'रारि इभेन्टनि जोबथा 4 आव सौहैनायनि थाखाय खेबथाम सेटसिम गोखों सेलेन्ज मोन्दों। एसियान आरो कमनवेल्थ गेम्सनि सेमियन सात्विक आरो सिरागआ किम एस्टुप आरो एन्डार्स स्कारुप रासमुसेनि



डेनमार्कनि 5 थि रेंकिनि जराखौ थोंजों सेटफोराव 35 मिनटआव 21-7, 21-10 स्करआव फेजेन्नाने बाइजोनि लामा दिन्थियो। फाइनलआव जायगा आवग्रिनयनि थाखाय नैथि रेंकिनि सात्विक आरो सिरागनि जराआ एरनसिया आरो सह भुइ यिकनि मालएसियानि ब्रैथि नम्बरनि

जराजों सेलेन्जआव ओंखारगोन। बिसोर सानैनि जराआ जोबथा 8 नि मेचआव ल्यु यु सेन आरो औ सुआन यिनि चीननि 8 थि रेंकिनि जराखौ 21-19, 21-19 स्करआव फेजेनो। मुलुगनि गुथि नम्बरनि गेलेगिरि प्रनयआ चीना ताइपेनि 28 नम्बरनि गेलेगिरि भें जु भेइनि

हेंथायै 21-11, 17-21, 21-18 स्करआव देरहानायनि थाखाय 1 घन्टा 17 मिनटसिम गोब्राब नाजानांदों। अब्लाबो भेइनि हेंथायै प्रनयआ खेब 9 मेचनि गेजेराव खेब 6 मेचआव देरहानाय थिसनो आरो थानाय खेब 6 मेचआव बाथि खेब देरहानो हायो। सेमिफाइनलाव 8 थि रेंकिनि प्रनयआ एसियान गेम्सनि सिलभार मेडलिस्ट आरो मुलुगनि नैथि नम्बरनि चीननि शि युकीनि सेलेन्जआव ओंखारगोन। 6 थि रेंकिनि युकिआ क्वार्टर फाइनलाव जापाननि ककि भाटानाबेखौ 23-21, 21-13 स्करआव फेजेनो।

रिएल माद्रिदआ खेब 21 मेचनि उनाव गिबियै जेन्नांदों

माद्रिद, 20 जानुवारी: एथलेटिक माद्रिदआ कपा डेल रें राउन्ड अफ 16 नि बादायलायनाय मेचआव रिएल माद्रिदखौ फेजेनो हादों। सिभियस मेट्रपलिटान स्टेडियमआव गेलेनाय बे मेचआव एथलेटिक'नि टीमआ माद्रिदखौ

4-2 स्करआव फेजेनानै क्वार्टर फाइनलाव सौहैदों। गुबुन फार्से बे जेन्नायजोंनो माद्रिदनि बादायनाया टुर्नामेन्टआव थुंगेनानै फेयो। बे जेन्नाया माद्रिदनि थाखाय खेब 21 मेचनि उनाव गिबियै जेन्नाया। कपा डेल रे टुर्नामेन्टआ थानाय बोसोरनि गिबि नम्बर साननिफ्राय जागायदों। जायनि फाइनल मेचआ फेगौ एप्रिल दाननि 6 अक्टुबालि सेभिलानि ला कार्टजा स्टेडियमआव खुंजागोन। सेमुएल लिन'आ एथलेटिक माद्रिदनि जानानै मेचआव थाबैनो टीमखौ आवगायहोजेन्दों। बिथाडा मेचनि 39 मिनटआव गल सोदोंब्लाबो टीमनि गल कियार जेन अब्लाकनि अभायटइम 45+1 मिनटआव सुइसाइड गल सोनायनि जाउनाव समान स्करआव फेफिन्दों। अब्लाबो मेचनि 57 मिनटआव अलभार' मरगटा गल सोनानै टीमखौ 2-1 स्करआव आवगायहोफिनो। बेनि उनाव सेलुआ 82 मिनटआव गल सोनानै माद्रिदखौ 2-2 स्करआव



आवगायहोफिन्दों। नाथाय बेनि उनाव एथलेटिकनि एन्टी ग्रीजमेननि 100 थि मिनट आरो रडिग रिक्लेमेनि 119 मिनटआव मोन्नाय उफ्रा समाव गल सोनायजों एथलेटिकनि टीमआ देरहायो। मख'नो गोनादि, ग्रीजमेनआ एथलेटिक'नि जानानै टप गल स्करार जानोबो हाबाय। बिथाडा क्लाबनि थाखाय दासिमाव 174 गल सोनो हाबाय। कपा डेलरेआ स्पेनिश फुटबलनि डमिस्टिक नकआउट टुर्नामेन्ट। बे टुर्नामेन्टआ 1903 आव जागायदोंमोन। जायनि थाखाय बेखौ स्पेनि गोजामसिन डमिस्टिक टुर्नामेन्ट गनायनाय जायो। बे टुर्नामेन्टआव स्पेनि गासैबो प्रफेसनेल क्लाबफोर बाहागो लानो खाबु मोनो। गासै 126 टीमफोर सोलिफु बोसोरव बे टुर्नामेन्टआव बाहागो लादों। बे टुर्नामेन्टआव सेमियन जानाय टीमआनो इउएफए इउपा लीगनि थाखाय कथा आर्जिगोन। बेनि अनायायै लीग रेंकिनि सिगांनो इउरपनि थाखाय क्वालिफाइ जाखानायब्ला बेयो इउपा लीगनि फास्टटियार ला लीगाआव गिबि मासिआव जायगा मोनगोन। इउरपियान सेमियनसिप, डमिस्टिक टप टियार लीग आरो टप डमिस्टिक नकआउटआ टुर्नामेन्टआव दड। रिएल माद्रिदआ 2022-23 नि फाइनलाव असासुनाखौ 2-1 स्करआव फेजेनानै स्पेनि फुटबल टुर्नामेन्ट कपा डेलरेनि बिर्मुं देरहादोंमोन। जोबथा खेब बे क्लाबआ 2014 आव बे टुर्नामेन्टनि बिर्मुं देरहादों।